

四庫全書

子部

欽定四庫全書

子部

御定淵鑑類函卷九十四
五

詳校官宗人府府丞_臣寶光萬

主事_臣祁韻士覆勘

總校官檢討_臣何思鈞

校對官編修_臣沈清藻

謄錄監生_臣汪師曾

欽定四庫全書

御定淵鑑類函卷九十四

設官部三十四

秘書監
秘書郎

少監附
校書郎正字附

秘書丞
著作郎

著作佐郎
尚舍局

殿中監
尚乘局

丞
尚食局

尚藥局
尚衣監

秘書監一

少監科載

原杜氏通典曰周官太史掌建邦之六典又有外史掌四方之志三皇五帝之書漢氏圖籍所在有石渠石室延閣廣內貯之於外府又有御史中丞居殿中掌蘭臺

祕書及麒麟天祿二閣藏之於內禁後漢圖書在東觀
桓帝延熙二年始置祕書監一人掌典圖書古今文字
考合同異屬太常後省魏武帝又置祕書令典尚書奏
事文帝黃初初乃置中書令典尚書奏事而祕書改令
為監掌藝文圖籍之事初屬少府後乃不屬其蘭臺亦
藏書籍而御史掌之晉武帝以祕書并入中書省其祕
書著作之局不廢惠帝永平中復別置祕書監並統著
作局掌三閣圖書自是祕書之府始居於外其監銅印

墨綬進賢兩梁冠絳朝服佩水蒼玉

華譚為秘書監自負宿名意甚不快

曰臣老矣將死秘閣汲黯之言復存於今日上不悅

宋與晉同梁曰秘書省

任昉字彥

昇為秘書監自齊永元以來秘閣四部篇卷紛雜昉手自讐校由是篇目定焉

陳因之後魏亦

有之後周秘書監亦領著作監掌國史

說在秘書丞注

隋秘書

省領著作太史二曹煬帝增置少監一人後又改監少

監並為令唐武德初復改為監龍朔二年改秘書省為

蘭臺改監為太史少監為侍郎咸亨初復舊天授初改

秘書省為麟臺神龍初復舊掌經籍圖書監國史領著

作太史二局太極元年增祕書少監為二員通判省事

其後國史太史分為別曹而祕書省但主書寫勘校而

已

漢初御史中丞掌蘭臺祕書圖籍之事至魏晉其制猶存故歷代營都邑置府寺必以祕書省及御史臺

為

雖非要劇然好學君子亦求為之

魏徵後為祕書監奏引學者校定四

部書自是祕府圖籍燦然畢備

初學記曰按祕書監後漢桓帝置也

掌圖書祕記故曰祕書後省至獻帝建安二十一年魏

武為魏王置祕書令

按漢官及齊職儀秦漢置尚書通掌圖書祕記章奏之事漢武罷尚

書官置中書掌其事漢武罷中書官又置尚書漢獻帝置祕書令典尚書奏事當中書之任則知中書本尚書

之任祕書本
中書之任

初漢制尚書中書屬少府

按漢官初秦代少府遣吏四人

於殿中主發書故號尚書尚猶主也
中書本尚書之官故總隸屬少府

而祕書本中書之

官故魏初猶隸少府及王肅為監以為魏之祕書即漢
之東觀之職安可復屬少府自此不復焉唐改曰蘭臺

又改名太史又改曰麟臺

初漢御史中丞在殿中掌蘭臺祕書圖書唐以祕書省為

蘭臺即因斯義也漢西京未央宮中有麟閣亦藏祕書即揚雄校書之處也改祕書為麟臺亦因其義也春秋
韓宣子聘魯觀書於太史氏古者
太史掌書改監為太史亦因其義

增文獻通考曰宋

太平興國二年始建崇文院昭文館史館集賢院皆總

為崇文院端拱初建祕閣亦在崇文院中

擇三館書籍真本并內出

古畫墨跡等藏之

淳化元年詔祕閣次三館祕書省仍隸京百

司時祕書省雖有監少監丞郎校書郎正字著作郎佐

皆以為寄祿官常帶出入

祕監即中大夫

郎官至祕書監有特

令供職者有以他官兼領者有以判祕閣官兼判者

至道

中以翰林學士承旨兼祕書監淳化中李至自前執政以禮部侍郎兼祕書監祥符九年楊億以祕書監判祕閣兼祕書省事

見麟臺故事

凡邦國經籍圖書悉歸祕閣而祕書所

掌常祭祀祝版而已元豐正名以崇文院為祕書省既

罷館職

國初三館直館直校勘通謂之館職必試而後命不試而命者皆異恩

盡以三館

職事歸祕書省置祕書省職事官自監少至正字不領他局監掌書籍圖史天文厯數之事屬有五著作郎著作佐郎祕書校書正字各以職隸於長貳元祐中復置集賢院校理自校理而上職有六等隨官資除授或領內外職任不必專在館中紹聖初罷之宣和初改元豐之制增定為十八員以倣唐登瀛之數政和五年詔祕書省殿以右文為名改集賢殿脩撰為右文殿脩撰建

炎三年罷紹興元年復置

舊秘書省建於禁中至是權寓臨安府法惠寺十四年創

新省於天井巷之左少監游揀揆政和故事乞置提舉官遂以授禮部侍郎秦禧後又以孟忠厚為醴泉觀使

月過局如宰執

五年立定十八員為額太史局文德殿鐘漏所

隸焉

續文獻通考曰遼南面秘書監官有監少監監

丞主簿外有秘書郎正字所屬著作局有校書郎統和

中楊佖嘗居此職金秘書監以著作局筆硯局書畫局

司天臺隸焉監少監丞各一員秘書郎二員通掌經籍

圖書校書郎一員以翰林官兼掌校勘在監文籍筆硯

局直長掌御用筆墨等事泰和七年以女直應奉兼書

畫局直長掌御用書畫紙札著作局著作郎著作佐郎

各一員掌脩日歷

宋制惟日歷非編脩官不預金著作局設郎與佐郎以學士院兼領之

元制祕書監掌歷代圖籍并陰陽禁書設卿四員大監

少監各二員監丞二員典簿一員其屬著作郎二員著

作佐郎二員祕書郎二員校書郎二員辨驗書畫直長

一員延祐元年定置卿四員參用宦者二人明不設祕

書監圖籍禁書藏之內府

祕書監二

原祕署

仙室

魚豢魏略曰蘭臺臺也而祕書署耳
華嶠後漢書曰學者稱東觀為老氏藏

室道家蓬萊山王融曲水詩序
曰紀言事於仙室謂藏室也

芸臺

蓬觀

魚豢與略曰芸

香辟紙魚蠹故藏書臺
稱芸臺下詳仙室注

延閣

祕府

劉歆七略曰武
帝廣獻書之路

百年之間書積如邱山故外有太常太史博士之藏內
則延閣廣內祕室之府漢書曰天下文籍悉在廣內

祕府之室
謂之祕書

增木天

大蓬

合群事類曰內諸司舍惟
祕閣最宏壯閣下穹窿高

敞謂之木天
翰苑新書云祕書監曰大蓬

病坊

華省

類要曰唐以祕
書望雖清雅而

實非要劇權貴子弟及好利誇侈者率不好此職以監
為宰相病坊丞及著作郎為尚書郎病坊祕書郎及著

作佐郎為監察御史病坊
宋廣平集云暇彼蘭臺古稱華省

五絕

四部

翰苑新書云職

林祕書省內有落星石薛少保畫鵲賀監草書郎餘令
畫鳳號為四絕元和中韓公武為祕書郎挾彈中鵲一

眼時謂之五絕

宋范詳注云梁任昉為祕書監
自齊永元以來祕閣四部篇卷紛雜昉手自讐校

原

典圖書

掌祕與

曰上詳通典之溫嶠舉荀崧為祕書監
典將以明得失之跡謂

之實錄使一代之典煥然可觀今之祕書著作是也散
騎常侍崧文質彬彬思義通博歷位先朝莅事以稟宜

掌祕與宣

考同異

校古今

上詳通典王隱晉書
曰惠帝永平元年詔云

祕書監總理經籍考校古今課
試署吏領有四百人宜專其事

典文章

綜經籍

集曰詔尚書曰亭侯嶠體素弘簡文學該通經覽古今
博聞多識著書定錄有良史之志故特為祕書監其加

散騎常侍班同中書寺為內臺使中書散騎及著作
禮音律天文數術南省文章門下撰集皆典統之下

詳校古今注

撰皇覽

次竹書

魏志曰王象字義伯散騎常侍領祕書監撰皇覽

傅暢晉書贊曰荀勗領祕書監太康二年汲郡冢中得
竹書勗躬自撰次注寫以為中經列於祕書經傳關文
多所證明 著陽秋 典文字 何法盛晉中興書曰孫盛字
安國為祕書監加給事中為

尚好學自少及長常手不釋卷既居
史官乃著三國陽秋 下詳通典

增羣玉峰

蓬

萊殿

穆天子傳穆天子西登崑崙崑崙見王母癸巳至於羣
玉之山所謂策府也楊億代謝表自草紫泥之詔

遂違羣玉之峰

彙苑詳注云唐藏書之地有昭文崇
文之館有集賢書院有修文弘文同文以至蓬萊書殿

曰乾元脩書院曰祕書內外省曰內
庫曰三館曰祕書祕府曰蘭臺麟室

可設羅

寧抱

輟

西京雜記曰省內本統經史及太史厯象後並屬別會惟主寫書校勘而已自是門可設羅通略曰紹

興三年時士大夫以登臺閣陞禁從為顯官不以官之遲速為榮滯時語曰寧登瀛不為卿寧抱槧不為監

隱士徵

耆德除

元史曰李孝光字季和隱居雁蕩山五峰下四方之士遠來受學名

譽日聞至正七年詔徵隱士以秘書監著作郎召赴京師見於宣文閣進孝經圖說帝大悅賜上尊明年陞祕

書監又曰宋道字弘道善記誦避地襄陽已而北歸屏居河內者十有五年趙璧經略河南薦之歷任太常

少卿至元十六年太子以耆德召見侍講經筵開諭為多十八年除祕書監

原崇儒術

掌祕書

王肅論祕書表云中書郎在尚書丞郎上祕書丞郎宜次尚書郎下不然宜次御史下連比尚

書郎此陛下崇儒術之盛旨也

又云昔時祕書掌國祕密

東壁東觀 蘭臺麟

臺石氏星經曰東壁之星主文籍東觀事見仙室注
漢書曰御史中丞掌蘭臺祕書圖籍又魚豢魏略曰

薛夏為祕書丞時祕書掌公事移蘭臺蘭臺自以臺也
祕書丞特為署耳謂夏不得移當有坐者夏報曰蘭臺
為外臺祕書為內閣臺也閣也何不相移之
有蘭臺無以折之復遂以為常麟臺詳叙事 幽贊符

命宣明史籍

傅暢晉書贊曰庾峻自司空長史遷祕
書監幽贊符命天文地理因有述焉

下詳掌
祕與注

增參預朝政

假直祕省

唐書曰貞觀三年
魏徵以祕書監參

預朝政

翰苑新書云李邕見特進李嶠自言讀書未
編願一見祕書假直祕書省未幾辭去嶠驚試問與篇

隱快了
辨如響

師古詳敏

荀崧通博

又云唐太宗以顏師
古體業淹和器用詳

敏命為祕書監所有奇書雖字象所共感
者隨疑判析曲盡其源 下詳掌祕與注

總領祕書

得與內宴

宋史曰太平興國間參知政事李至以目疾求解機政會建祕閣命以吏部侍郎兼

祕書監選三館書置閣中俾至總之至每與李昉王化基等觀書閣下上必遣使賜宴三館學士皆與焉至是陞祕閣次於三館上嘗幸祕閣出草書千字文為賜隋書曰煬帝嗣位柳詵拜祕書監封洪南縣公帝退朝之後使命入閣言宴詠終日而罷帝每與嬪后對酒逢時與會輒命與焉以上祕書監

貳書

省

數者舊

藁苑詳注云除上官均制選貳書省豈惟典領國籍為縉紳之榮庶以收集賢材增

朝廷之重

黃山谷詩云

上官體

員外監

上官儀貞觀初

儒林數者舊少監髮新班

擢進士第遷祕書郎太宗每屬文遣儀視橐宴私未嘗不與高宗即位為祕書少監儀工詩其詞綺錯婉媚貴顯者多倣之為上官體中宗時鄭普思以妖幻位祕書員外監支黨偏岐隴間蘇瓌捕繫窮治之班

左忠臣

臺閣散地

唐書曰太宗嘗歎五經去聖遠傳習寔訛詔頗師古於祕書省考定

多所釐正既成悉詔諸儒議於是各執所習共非詰之師古隨方曉答証據該明人人歎服拜祕書少監一時

人謂杜征南顏祕書為左邱明班孟堅忠臣宋史曰太宗端拱三年下詔曰九寺三監國之羽儀制度聲名

往往而在各有副貳率其司存品秩素高職任尤重郎吏選授斯為舊章比聞縉紳之流頗以臺閣自許目為

散地甚無謂焉朕將振之自我而始於是以前中魏羽等為祕孔承恭等為太常光祿諸寺少卿以郎中魏羽等為祕

書少府將作

制草立就

執經從行

又曰王安中歷祕書省著作郎

政和間天下多言瑞應廷臣輒箋表賀徽宗觀安中作稱為奇才他日特書制詔三題使其草立就上即草後

批可中書舍人未幾自祕書少監除中書舍人元史曰泰定初虞集遷祕書少監天子幸上都以講臣多高

年命集與集賢學士王結執經以從行經筵之制取經史中切於心德治道者用國語漢文兩進讀潤譯之際每選一時精於其學者為之猶數日乃成一篇集為反覆以通之然後得以無忤疏留劉攽

詔趣尹焞

宋史曰哲宗初劉攽起為祕書少監以疾求去於是給事中孫覺胡宗愈中書舍人

蘇軾范百祿言攽博記能文章政事侔古循吏守道不回宜優賜之告使留京師又曰高宗時詔以祕書郎

兼說書趣起尹焞焞入見就職明年授祕書少監

父子並命

兄弟繼職

新書云趙崇儒拜翰林學士時父驛遷祕書少監德宗欲寵其門一日並命又云王珣為祕書少監數年而弟璿繼其職以上祕書少監

祕書監三

原仙省

祕省

祕閣

典籍

傳曰孫伯璣司晉之典籍

司典

汝又

司典之後

增飛白書

翰苑新書云宋太宗飛白祕閣二字賜李至

紫章服

又云

淳熙五年孝宗幸祕書省御製詩一首賜宰臣史浩以下祕書監陳騭少監鄭丙賜紫章服

原儀

依御史

王肅論祕書表云武帝初置祕書儀依御史臺文帝屢有優詔丞郎之選比黃門郎祕書徑遵

中書不宜與他官為連者也

職為近密

又云臣愚以為祕書職於三臺上為近密

兼

掌國史

王隱晉書云賈謐字長淵元康末起為祕書監兼掌國史

增祕閣遺逸

謝晉

靈運為祕監稱祕閣遺逸

原以辨經緯

北堂書鈔溫嶠表荀崧為祕書監祕書著作宜得文

史之才以辨經緯

增三入東觀

華嶠集嶠表曰伏見詔書以臣為祕書監加位常伯昔劉

向父子世典史籍馬融通博三

瀛洲通籍

合群事類云祕府藏

書雲委簡編之富瀛洲通籍朋來俊乂之游

規諷得失

唐書曰虞世南為祕書監太宗引之

談論及古今帝王行政得失必存規諷太宗嘗謂侍臣曰朕因暇日每與世南商略古今朕有一言之善世南未嘗不悅有一言之失未嘗不悵悵其懇誠若此

脩書學士

又曰明皇時詔勾校祕書乃拜

馬懷素為祕書監以博士尹知章等分部撰次懷素奏祕書少監盧補崔沔為脩國書副使祕書郎田可封康子元為判官然懷素不善著述未能有所緒別及懷素卒復詔祕書館並號脩書學士草定四部人人意自出無所統一逾年不成乃以元行沖知麗正院

祕書外

監又曰賀知章授祕書監晚節尤放誕遨嬉里巷自號四明狂客及祕書外監天寶初請為道士還鄉里以

宅為千秋觀又求周宮湖數頃為放生池有詔賜鏡湖剡川一曲

圖書養性

宋史曰楊徽之

真宗尹京時妙選僚佐及即位加禮部侍郎以棄疾求解近職改兵部侍郎兼祕書監入謝命坐勞之曰圖書

之府清淨無為俾卿得以養性也

詢訪舊事

又曰真宗時郭贄以集賢院學士知河南府歸

朝獻詩自陳進秩吏部俄兼祕書監初真宗未出閣贄已授經上嘗至其家至是在祕府屢賜對詢訪舊事

同在館閣

東都事略宋綬年十五召試中書真宗奇其文令於祕閣讀書久之試學士院為集

賢校理與父

欲重此選

文獻通考曰元豐間初除龍圖閣學士王勝之為祕書監

時寄祿官已正議大夫蓋神宗欲重此選又勝之雅有文學故也

更迭補外

會要曰孝宗乾

道元年詔館職所以招延天下英俊苟不親吏事知民情則將來難備公卿之任今後當更迭補外

白

頭老監

宋史曰張齊賢子宗誨以祕書監致仕當事干謁其子勸之學賀祕監衣羽服優游何必更事

請謁宗誨曰吾作白頭老監枕書而眠何以賀老流沙之服為哉

藏書之府

天下

之圖

原祕府謂祕書

漢書藝文志云孝武世建藏書之策置寫書之官下及諸子傳

說皆充祕府於是天下文籍悉在天祿石渠之間廣內祕府之室謂之祕書成帝時劉向父子以本官典其事後則圖籍在東觀東觀有校書傳毅馬融之徒

增祕省多文士

後魏書世祖拜伊馥為尚

書郡公馥辭曰尚書務殷公爵至重非臣年少愚近所宜荷任請收過恩世祖問其所欲馥曰中祕二省多諸文士若恩矜不已請參其次世祖

祕書不是監

翰苑新書

賢之遂拜為中護將軍祕書監云太常不常卿祕書不是監以其清重不與他職比也

勝汝枝頭乾

石林燕語元祐初用

欽定四庫全書

戶部
卷九十四

治平故事命大臣薦士試館閣多一時名士在館率論
資考次遷未有越次進用者皆有滯留之歎張文潛晁
無咎俱在其間一日見蘓子由以中書舍人除戶部侍
郎無咎意以為平緩曰子由以此除不離核謂如果之粘
梗也文潛遽曰豈不勝汝枝頭乾乎聞者皆大笑按東
北有果如李每熟不得摘輒便槁土人因取藏之故謂
之枝頭乾

筮遇乾之畜

翰苑新書云唐崔羣筮易
遇乾之大畜果除祕書監

典校

在禁中

唐六典云漢書府在外則有太常太史博士掌
之內則有延閣廣內石渠之藏劉向揚雄典校

皆在禁中謂之中書猶今言內庫
書也後漢藏書東觀亦在禁中也

蓬島窺國史

楊億
代謝

表

以上

雅好脩飾

唐書曰王紹宗以不附徐敬業
武后召赴東都謁殿中褒慰良

祕書監

厚擢太子文學累遷祕書少監使侍皇太子

負才凌

紹宗雅好脩飾當時公卿莫不慕悅其風

籍

又曰李益故宰相揆族子於詩尤所長每一篇成樂工爭以賂取之憲宗雅知名召為祕書少監自負才

凌籍士衆不能堪

如尚書丞郎

又曰韋繩天寶初入為祕書少監明皇尚文視職如尚書

丞郎繩以善職稱

脩五朝大典

樓攻媿集云汪大猷字仲嘉除祕書少監職當脩神宗以

來會要大猷率屬分纂上聞為置局命宰臣提舉書奏五朝之大典始備以上祕書少監

祕書監四

原詩宋顏延之和謝監靈運詩曰弱植慕端操窘步懼

先迷寡立非擇方刻意藉窮棲伊昔邁多幸秉筆侍兩

闈雖慚丹腹施未謂元素睽徒遭良時設王道奄昏霾

人神幽明絕朋好雲雨乖弔屈汀洲浦謁帝蒼山蹊倚
巖聽緒風攀林結留萋跂予間衡嶠曷月瞻泰稽皇聖
昭天德豐澤振沈泥惜無雀雉化何用充海淮去國還
故里幽門樹蓬藜采茨葺昔宇翦棘開舊畦物謝時既
晏年往志不偕親仁敷情暱興玩究辭悽芬馥歇蘭若
清越奪琳琅盡言非報章聊用布所懷 梁吳均贈柳
祕書詩曰薜蘿與丹桂竒心復竒骨已蔽蒼龍門又影
鳳凰闕紫雲依夜來清風扶晚發鵷鷺若上天寄聲謝

明月 劉孝綽校書祕書省詠懷詩曰終朝守玉署方

夜勞石扉未能奏絃綺何由辨國園坐銷風露質遊聯
珠璧暉偶懷笨車是良知高蓋非既言謝端木無為陳
巧機 沈約奉和竟陵王抄書詩曰教微因弛轡維峻
屬貞期義乖良未遠斯文煥在茲超河綜絕禮冠楚綴
淪詩披滕辨蠹冊酌醴訪深疑澄流黜往性泛略引前
滋漢壁含遺篆名山多逸詞綠編方委閣素簡日盈輜
空幸參鵷鷺比秀慙瓊芝挹流既知廣復道還自嗤

庾肩吾和劉明府觀湘東王書詩曰陳王擅書府河間

富典墳五車方累篋七閣自連雲松檟銓連反芳帙氣柏

燠許運反起厨文羽陵青簡出媯泉綠字分方因接遊聖

暫得奉朝聞峰樓霞早發林殿日先曛洛城復接眼歸

軒畏後羣周庾信麟趾殿校書和劉儀同詩曰止戈

興禮樂脩文盛典謨壁開金石篆河浮雲霧圖芸香上

延閣碑石向鴻都誦書徵博士明經拜大夫辟池寒水

落學市舊槐疎高談變白馬雄辯塞飛狐月落將軍樹

風驚御史烏子雲方汗簡溫舒正削蒲連雲雖有閣終

欲想江湖

增唐鄭谷祕閣伴直詩曰祕閣鎖書深牆

南別晚岑吏人同野鹿庭木似山林淺井寒蕪入迴廊
疊蘚侵閒看薛稷鶴共起五湖心 白居易祕省後廳

詩曰槐花雨潤新秋地桐葉風飄欲夜天晝日後廳無

一事白頭老監枕書眠

宋呂祖謙車駕幸祕書省詩

曰紫青丹極與天鄰闔闢乾坤繫笑顰獨為斯文回一

顧坐令吾道重千鈞先王舊物參差見列聖明謨次第

陳墨客區區感榮遇豈知深處在彝倫 劉克莊贈袁

祕監詩曰近日頻聞有峻除人傳君相重師儒細旃坐
穩方輪講羣玉峰高未要扶別後曾過東閣否新來已
乞鑑湖無幾時供帳都門外真寫先生作畫圖 黃庭

堅和孫少監詩曰道山隣日月清樾深牖戶同舍多望
郎閑官無窘步少監巖壑姿宿昔廊廟具行趨補袞職
黼黻我王度 朱子寄胡文定及劉恭父詩曰先生去
上芸香閣閣老新裁多角冠留取與人卧空谷一川風

月要人看

原箴後漢崔瑗東觀箴曰洋洋東觀古之史官三墳五
典靡義不貫左書右記其言辛尹顧訪文武明宣
倚相見寶荆國以安何以季代咆哮不虔在強奮矯戮
彼逢干衛巫監謗國莫敢言狐突見斥淖齒見殘焚文
坑儒羸反為漢巫蠱之毒殘者數萬吁嗟後王曷不斯
鑒是以明哲先識擇木而處夏終殷摯周聃晉黍或笑
或泣抱籍遁走三葉靖公果喪厥緒宗廟隨夷遠之荆

楚麥秀之歌億載不腐史臣司藝敢告侍後

原詔唐太宗正授顏師古祕書監詔曰祕府望華史官
任重選衆而舉歷代攸難守祕書監顏師古體業淹和
器用詳敏學該流略詞兼典麗職司圖書亟經歲序朱
紫既辨著述有成宜正名器允茲望實可祕書監

增制唐李嶠授王方慶麟臺監制曰鸞臺芸閣祕文蓬
山輿府是為國重尤切帝難銀青光祿大夫行鳳閣侍
郎王方慶鐘鼎高門簪纓舊德學富古今才優舒向自

參機密丞改涼暄西垣掌誥雖藉謨猷東觀屬詞更資
通博宜輟鳳凰之省俾緝麒麟之署可麟臺監仍監脩
國史勲封如故主者施行 蘓頴授馬懷素祕書監制
曰黃門廼睠文籍填於外府旁求儒雅掌彼中繩左散
騎常侍常山縣開國公仍每日入內侍讀馬懷素有舒
向之風擅東南之美貫穿從學博而多能沈鬱成章麗
而有則自朝趨瑣闥日侍金華事必討論言惟潤色故
可以發揮祕奧詳覈異同可祕書監餘如故主者施行

白居易授許李同祕書監制曰敕大理卿許李同國朝以來有劉德威張文瓘唐臨為大理卿有魏徵虞世南顏師古為祕書監則設官之重得賢之盛人到於今稱之今季同以明慎欽恤理刑獄以文學博雅掌圖籍由廷尉而長祕府論者榮之宜自重其官自遠其道又思與劉張唐魏虞顏為比不亦自多乎可祕書監餘如故

原表晉華嶠謝祕書監表曰劉向父子世典史籍馬融

博通三入東觀非臣庸賤所敢擬蹟

增記宋張官館閣續題名記曰上即位之五年實紹興
改元歲在辛亥二月詔以多難未弭人才為急其復祕
書省直監及少監丞著作郎佐校書正字等以待四方
雋傑之士又參酌舊制校書郎正字召試學士院而後
命之自是採求闕文補綴漏逸而四庫書籍亦云略備
矣越三載即祕書省復建史館以脩神宗哲宗兩朝實
錄選本省官兼檢討校勘官侍從官充脩撰明年詔倣

唐十八學士之數監少丞外置著作佐郎祕書郎各二員校書郎正字通十二員立為定額又明年移史館於省之側別為一所以增重其事而校勘官或以他官兼之至紹興九年脩徽宗皇帝實錄乃即史館開實錄院以本省官或他官兼檢討以脩撰官如史館例明年詔罷史館并為實錄院以正名實而著作局惟纂脩日歷焉凡在茲選均謂之館職所以蓄儲英髦以備任使臺諫禁從於此乎取之

祕書丞一

原杜氏通典曰祕書丞魏武帝置一人典尚書奏事後

文帝黃初中欲以何禎為祕書右丞其後遂有左右二

丞劉放為左丞孫資為右丞後省晉復置祕書丞銅印

墨綬進賢一梁冠絳朝服

嵇紹司馬彪傅暢王謐等並為此官

宋為黃綬

餘與晉同齊梁尤重

齊王儉字仲實為祕書丞上表求校墳籍依七略撰七志四十卷獻

之

梁劉孝綽除祕書丞武帝曰第一官當與第一人

張率字士簡吳郡人遷祕書丞武帝曰祕書丞天下

清官東南胷緒未有為之者今以相處卿定有名稱也

陳隋印綬與齊同歷代皆

有後周柳蚪為祕書丞時祕書雖領著唐龍朔二年改作不參史事因蚪為丞始命監掌焉

為蘭臺大夫咸亨初復舊掌府事勾稽省署抄目 初

學記曰案祕書丞魏官也齊職儀云初漢獻帝置祕書令有丞二人蓋中書之任也魏文分祕書立中書以祕書左丞劉放為中書監以祕書右丞孫資為中書令而祕書改令為監別掌文籍自置丞一人多以祕書郎遷之其後何楨上許都賦帝異之拜祕書郎後月餘楨闕事帝問曰吾本用楨為丞何故為郎案主者罪遂改為

丞時祕書本有一丞尚未轉遂以禎為右丞右丞置自禎始也至宋省一丞後代並因之

祕書丞二

原鹿車

銅印

王肅表祕書丞郎儀宜比尚書郎侍御史乘轎車奏事用尺

一祕書丞郎乘鹿車猶用尺不得朝服奏恐非陛下崇儒之本意

下詳通典

近日月

奏

文賦

王肅論

祕書表云青龍中議祕書丞郎與博士議近日月宜在三臺上

魏略曰嚴苞以高

才黃初中入為祕書丞數奏文賦帝甚異之

謂薛君

用何禎

魚恭魏略曰薛夏字

宣聲天水人東詣京師文帝嘉其才黃初中引為祕書丞帝與夏推論書傳未嘗不終日也每呼之不名而謂

之薛君
下詳叙事

增職清華

兼史事

彙苑詳注云制祕府丞屬職任清華後

周書柳蚪為祕書丞時祕書雖領著作不叅史事自蚪為丞始令兼掌焉

補諫職

真祕

書

宋史曰徽宗即位韓宗武為祕書丞哲宗將祔廟中旨索省中書畫甚急宗武上言先帝祔廟陛下哀慕

方深而丹青之玩取索不已播之於外懼損聖德疏入皇太后見之怒曰是皆內侍數輩所為欲盡加罰帝委曲申救乃已明日太后對宰相獎歎令俟諫官員闕用之又曰虞允文過三館問誰可為祕書丞者僉以尤

袤對丞授之張拭曰真祕書也

原雅有文才

徧觀今古

王隱晉書曰嵇紹字

延祖雅有文才又曉音律山濤故武帝可為祕書郎帝曰紹既如此便可為丞又曰庾峻少好學有文才轉

祕書丞徧觀古今聞見益廣

遜比黃門

位次議郎

王肅論祕書表云魏武帝

優詔丞郎之選比黃門郎又云
祕書丞郎位次與博士議郎同

啓定四部 詔參

祕書 晉起居注云祕書丞桓石綏啓校定四部之書詔
遣郎中各掌一部 虞預晉書何預字元幹爲尚

書郎少而好學
特詔參祕書

增司文天閣

召試翰林

選王仲寶
撰褚淵碑

文云俄遷祕書丞司文天閣 宋史曰淳化初寇準掌
選薦錢若水等五人文學高第召試翰林若水最優擢

祕書丞
直史館

優詔特遷

召對除授

又曰淳化中蜀寇叛
命查道以著作佐郎

通判遂州至道三年有使兩川者得道公正清潔之狀
以聞優詔嘉獎遷祕書丞 又曰虞允文紹興十三年

登進士第秦檜當國蜀士多屏棄檜死有
薦允文者召對言事上嘉之除祕書丞

祕書丞三

原出宜為郡

王肅云祕書丞郎俱秩四百石
遷宜比尚書郎出則宜為郡階

起家為

丞

龍安記云王謐字稚遠少有美譽詔
令為後進冠冕起家為祕書丞也

增分局採借

晉陽秋太元十八年王謐為祕書丞表前尚書殷允中
書郎張敞太子後率郭儉之故太常桓石秀皆多書之

家請祕書郎
分局採借

此君可共談

魏略曰薛夏字宣聲博學
有才黃初中為祕書丞征

東將軍曹休來朝時帝方與夏有所諮論而休通至引
入坐定帝顧夏謂休曰此君祕書丞天水薛宣聲也可

共談其見
遇如此

惟得此一人

合野事類云隋姚察入為祕
書丞文帝謂朝臣曰姚察學

行當今無比我平
陳惟得此一人

非承平故事

宋史曰雍熙中李昉
在相位上欲用其子

宗訥為尚書郎昉懇辭以為
非承平故事乃改祕書丞

提點五房事

又曰太宗
時樂崇吉

為中書刑房堂後官改太子右贊善大夫未幾遷殿中丞時以堂後官著作佐郎楊文質為祕書丞提點五房事上召見謂曰汝見擢用樂崇吉否當自勗勵

原表齊王融拜祕書丞謝表曰臣聞升離戒晨陰墻不照其景膚雲停夕幽草或漏其津至如明兼就日澤深行雨不有聖德誰或其然所以欽至道而出青皋捨布衣而望朱闕懷祿仕在代耕期榮不謀入用豈悟特擢之例事均延祖置左之恩任光元幹踰溫情涯普燭身表畏翹車而必讓誠濡翼之願辭既聖主謂其可施故

愚臣默思自勉

祕書郎一

校書郎
正字附

原杜氏通典曰按後漢馬融

字季長

為祕書郎詣東觀典

校書及魏武建國又置祕書郎嘗以劉劭為之出來鹿

車晉祕書郎掌中外三閣經書覆校殘闕正定脫誤進

賢一梁冠絳朝服亦謂之郎中武帝分祕書圖籍為甲

乙丙丁四部使祕書郎中四人各掌其一

鍾會左太冲
劉隗等並為

此官齊祕書郎皆四員尤為美職皆為甲族起家之選待

次入補其居職例十日便遷

宋王敬弘子恢之召為祕書郎敬弘求為奉朝請與

恢之書曰祕書日有限故有競朝請無限梁亦然

張績字伯

緒為祕書郎固求不遷欲徧觀閣內圖籍自齊梁之末多以貴遊子弟為之

無其才實歷代皆有北齊又謂之郎中隋除中字亦四

員唐亦四員分賞四部經籍圖書分判校寫功程事龍

朔中改為蘭臺郎咸亨初復舊開元二十八年減一員

初學記曰祕書郎魏官也初漢獻帝置祕書令有丞

郎蓋是中書之任魏文分祕書為中書而祕書別掌文

籍領祕書丞及祕書郎中郎其任也至宋除中字直曰
祕書郎此職與著作郎自置以來多起家之選在中朝
或以才授歷江左多仕貴游而梁世尤甚當時諺曰上
車不落為著作體中何如則祕書言其不用才也至北
齊又加中字至隋又除中字

出齊職儀及五代史百官志

唐初因之

天授初曰麟臺郎神龍初復舊 增文獻通考曰宋初

為寄祿官元豐後掌校寫分貯集賢院史館昭文館祕
閣經籍圖書則祕書郎主之元祐四年祕書郎並除陞

朝官知縣以上資序人任滿除集賢校理紹興初罷校

理原杜氏通典曰祕書校書郎漢之蘭臺及後漢東

觀皆藏書之室亦著述之所多當時文學之士使讐校

於其中故有校書之職

初漢成帝時已命光祿大夫劉向於天祿閣校經傳諸子詩賦

步兵校尉任宏校兵書太史令尹咸校數太醫監李後
註國校方伎後以諸大夫揚雄等亦典校於其中

漢蘭臺置令史十八人

秩百石屬御史中丞

又選他官入東觀皆

令典校祕書或撰述傳記

後漢明帝以班固為蘭臺令史撰光武本紀及諸傳記又

以傳毅為蘭臺令史與班固賈逵共典校書

蓋有校書之任而未為官也故

以郎居其任則謂之校書郎

明帝召班固詣校書郎除蘭臺令史後遷為郎典校

祕書

又劉珍與校書郎劉駒駘馬融校定東觀五經傳記百家藝術整齊脫誤定正文字駒駘刀切駘大呼

切又楊忠字子山徵詣蘭臺拜校書郎以郎中居其任則謂

之校書郎中

後漢蔡邕拜郎中校書東觀又當時重馬融為校書郎中詣東觀典祕書

其職故學者稱東觀為老氏藏室道家蓬萊山焉至魏

始置祕書校書郎晉宋以下無聞至後魏有祕書校書

郎北齊亦有校書郎後周有校書郎下士十二人屬春

官之外史隋校書郎十二人煬帝初減二人尋更增為

四十人唐置八人掌讐校典籍為文士起家之良選其
宏文崇文館著作司經局並有校書之官皆為美職而
祕書省為最 增文獻通考曰宋初為寄祿官元豐後
校書郎四入掌校讐典籍刊正訛謬各於其職隸於長
貳元祐初立試中人除館職法選人除正字京官除校
書郎建炎初罷紹興復置必召試學士院而後用之

原杜氏通典曰祕書正字後漢桓帝初置祕書監掌圖
書古今文字考合同異其後監令掌圖籍之紀監述作

之事不復專文字之任矣今之正字蓋令監之遺職校

書之通制歷代無聞齊集書省有正書北齊祕書省有

正字隋置四人唐因之掌刊正文字其官資輕重與校

書郎同

貞元八年割校書四員
正字兩員屬集賢殿

增文獻通考曰元豐

後正字二人所掌與校書郎同

祕書郎二

增謹畏

簡素

唐書曰薛元敬與收及族兄德音稱河
東三鳳武德中為祕書郎是時收與房

杜處腹心之寄更相結附元敬謹畏未嘗申欵曲
沈約宋書曰蕭惠開家雖貴戚而卑服簡素初為祕書郎

祕書著作並名家年少惠開意趣與之多不同此肩或三年不共語

原耽美書

刪舊

文

蜀志曰郗正字令先安貧好學博覽籍弱冠能屬文遷祕書郎性澹於榮利極耽意文章及當代美書

浮

王隱晉書曰鄭默字思立為祕書郎則省舊文除其浮穢著魏中經簿中書令虞松謂默曰而今而後朱紫

別

賦三都

著中經

又曰左思字太冲專精三都賦紀人倫之事自以所見不博求

為祕書郎下
詳刪舊文注

掌三閣

定四部

下詳通典

別

朱紫

澹榮利

上詳刪舊文注
下詳耽美書注

增千字詩

三元頌

翰苑新書曰宋衷在陳釋褐為祕書郎嘗製千字詩當時以為盛作陳後主召入禁中使為月賦梁翰立成後

主曰觀此謝希逸不能專美於前矣又云唐岑文本除祕書郎元日奏藉田三元頌文致華贍

白

玉堂

芸香閣

又云杜甫贈故相張九齡詩上君白玉堂注曾為祕書郎也

又云陳子昂集

高府君墓誌祖欽仁檢校祕書郎持三寸筆終入芸香之閣

論臺諫

獎廉退宋

曰陳公輔政和三年上舍及第累遷祕書郎言蔡京王黼用事二十餘年臺諫皆緣以進領擇人臣中不附權倖慷慨論事者列之臺諫欽宗嘉之擢為右司諫又曰淳熙元年朱熹始拜命上欲獎用廉退以勵風俗龔茂良行丞相以熹名進除祕書郎

神清韻遠

聳壑昂霄

唐書曰孔季詡初擢

制科授祕書郎陳子昂嘗稱其神清韻遠可比衛玠又曰房玄齡校讐祕書省高孝基謂裴矩曰僕觀人多矣未有如此郎者但恨不見其聳壑昂霄耳

地惟蘭省

職在芸臺

職

在校文

官惟司典

白帖

王安期對策

殷仲容書贊

事文類聚云王承字安期七歲通易選補國子生十五對策高第除祕書郎中唐書曰李嗣貞擢太常丞天

后奇其風度應對台相王府參軍閻元靜圖之吏部郎中楊志誠為贊祕書郎殷仲容書以上祕書郎

賈長頭

李浪子

後漢書曰賈逵自童子時入太學諸儒為之語曰問事不休賈長頭顯宗

時神雀集宮殿帝敕蘭臺給筆札使逵作神雀頌拜為郎與班固並校書應對左右宋史曰李邦彥懷州人

大觀二年上舍及第授祕書省校書郎邦彥俊爽美風姿為文敏而工然生長閭閻習鄙事應對便捷善諧謔

能蹴踘每縱街市俚語為辭曲人多傳之自號李浪子

註前經

試館職

輯愈答張

轍詩曰清墨竄舊史磨丹註前經義苑手祕寶文堂耳驚霆宋史曰鄭鑑召試館職上問今合除何官樊茂

良曰前此學官召試往往止除正字上曰可除校書郎賞其盡言

九齡調

崔羣擢

唐書曰張九齡擢進士始調校書郎以道侔伊呂科策
高第又曰崔羣字敦詩陸贄主貢舉梁肅薦其有公
輔才擢甲科舉賢良方正授祕書省校書郎
奏房琯召蘓轍又曰房琯

封祿書說張說說奇之奏為校書郎宋史曰蘇轍坐
兄以詩得罪五年不得調哲宗立以祕書省校書郎召

檢通鑑

撰雜林

又曰司馬康字公休敏學過人以明經上第父光脩資治通鑑奏康

檢閱文字韓絳薦為祕書由正字遷校書郎又曰王
雲舉進士從使高麗撰雜林志以進擢祕書省校書郎

讀未見書

儼前代事

樓攻媿集云王淮為校書郎既入館屏去人事益讀未見

書休假亦入抵暮始歸唐書曰段文昌子成式字柯
古推蔭為校書郎博學強記多奇篇祕籍侍父於蜀以

畋獵自放文昌遣吏自以其意誅止明日以雄兔徧遺
幕府人為書因所獲儼前代事無複用者眾皆驚歎

以上校書郎

擢麟臺

授供奉

又曰陳子昂字伯玉初舉進士上書武后召見金華

殿子昂貌柔雅少威儀而占對慷慨擢麟臺正字又曰儀鳳中魏元忠上封事洛陽宮高宗善之授祕書省

正字仗內供奉

諫微行

改使館

宋史曰曹輔第進士政和間歷祕書省正字時帝多

微行蔡京謝表有輕車小輦七賜臨幸自是邸報聞四方而臣僚阿順莫敢言輔上疏諫上令赴都堂審問太宰余深曰輔小官何敢論大事輔對曰大官不言故小官言之官有大小愛君之心一也少宰王黼顧左丞張邦昌右丞李邦彥曰有是事乎皆應曰不知輔曰茲事雖里巷細民無不知相公當國獨不知焉用彼相矣黼怒其侵已奏不重責輔無以息浮言遂編管郴州又曰范如圭召試祕書省正字秦檜力建和議金使來無所於館將虛祕書省以處之如圭並見宰相趙鼎曰祕府謨訓所藏可使金使居之乎鼎竦然為改館

試策媚京

以書責檜

又曰蔡熹崇寧五年以諸生試策揣蔡京復相對曰熙豐之

德業足以配天不幸繼之以元祐紹聖之蹟述足以永賴不幸繼之以靖國於是遂擢為第一以所對頌天下甫解褐即除祕書省正字未幾至中書舍人自布衣至侍從纔九月又曰秦檜議和祕書省正字范如圭與同省十餘人合議并疏爭之既具草駭遽引却者衆如圭獨以書責檜曰公不喪心病狂奈何作此草奏與史官六人上之遂謁告去久披緗帙粗定鉛黃頻分溫媪之

疑仍懼魯魚之謬

並見翰苑新書以上正字

祕書郎三

原芸閣

典校

讐校

芸署

並見白帖

增不肯調

唐書曰實

威入隋投祕書郎當遣不肯調者十年故學益博而諸兄以軍功位通顯薄威間冗更謂曰昔仲尼積學成聖猶棲遲不偶汝尚何求耶威笑不答

老祕書

宋史曰張闡為祕書郎秦檜每薦臺諫必先諭以已

意嘗謂闡曰祕中久次欲以臺中相處何如闡謝曰丞相見知得老死祕書幸矣檜默然竟罷之

清

而不要

唐書曰李素立武德初以親喪解官起授七品清要有司擬雍州司戶參軍帝曰要而不清復

擬祕書郎帝曰清而不要乃授侍御史

望不過此

又曰太宗朝岑文本為中書令或勸其營

產業文本數曰吾漢南一布衣入關所望不過祕書郎縣令耳今位宰相俸稍已重尚何殖產業耶

原

王謐有美譽

晉中興琅琊王錄云謐弱冠有美譽拜為祕書郎

周顗有重名

汝南周錄云顗字伯仁少有重名襲父爵武陵侯拜祕書郎

增東觀十年不調

後漢

書曰馬融滯於東觀十年不得調才高博洽為世通儒

原王凌留祕閣吏

魏志王基

傳云是時青土初定刺史王凌特表請基為別駕後召為祕書郎凌復請還頌之司徒王朗辟基凌不遣朗書勅州曰凡家臣之良則升於公輔公臣之良則入於王職是故古者侯伯有貢士之禮今州取宿衛之臣留祕閣之吏所希聞也

鍾會敏達夙成

魏志云鍾會字士季敏達夙成正始中以為祕書郎

劉隗除祕書郎

晉書曰劉隗字太連少有文翰除祕書郎

郤正博覽墳

籍

詳耽美書注

增歸朝特授祕書

唐書曰甄濟少孤好學居青巖山十餘年天寶

十載以右拾遺召安祿山入朝求濟於帝乃投范陽寧書記後濟察祿山有反謀佯病歸舊廬祿山反使蔡希德封刀召之曰即不起斷其頭見我濟色不為動引頸待之希德歎歎歎止刀以實病告後廣平王平東都

潛詣軍門上謁肅宗詔館之三司署使汗賊
官羅拜以愧其心投祕書郎以上祕書郎復禮鄉

又曰徐岱嘉興人世農家子於學無所不通辨論明銳
座人常屈大厯中劉宴表為祕書郎觀察使李栖筠欽

其賢署所居為復禮鄉
名達於朝擢偃師尉
杭脫郎又曰武后時官濫人
詔曰補闕連車載拾

遺平斗量杞推侍
御史杭脫校書郎
賜祕書副事文類聚云班游與劉
向校祕書每奏事游受

詔進讀羣書上器其
能賜以祕書之副
入紅蘭省元稹酬白居易詩曰
並入紅蘭省偏親白

玉規蓋為
校書記
以非急務
書帝以非急務轉為侍中
在東觀校

不藉請託
唐書曰李建貞元中補校書郎德宗思得文
者或以建聞帝問左右宰相鄭珣瑜曰臣

為吏部時當補校書者八人他皆藉
貴勢以請建獨無有帝喜擢左拾遺
恥由父任曰李

欽定四庫全書

卷九十四

宗諤宰相昉子也七歲能為文恥以父任得官獨由鄉舉第進士授校書郎

宜在朝廷又

孫復居泰山學春秋范仲淹富弼皆言復有經術宜在朝廷除祕書省校書郎

十九授校書

杜甫送李校書詩曰李舟名父子清峻流輩伯人間好少年不必湏白晢十五富文史十八足賓客十九授校

書二十

聲輝赫 賜童子出身

宋史曰李淑參知政事若谷子也年十二真宗幸亳獻文行在

所真宗奇之命賦詩賜童子出身

脩書成

東都事略曰范祖禹

字淳父司馬光辟同編修資治通鑑書成上章薦之曰臣誠不及也由臣頑固纂次淹久致其沈淪而祖禹安

恬靜默若將終身

掌制手

宋史曰周必大紹興二十年第進士中博學宏詞科

召試館職高宗讀其策曰掌制手也

朋字未正

明皇雜錄

守祕書省正字館職復召試自此始

云劉宴以神童為校書省正字上問晏曰正字正得幾字晏曰天下字皆正惟朋字未正帝大奇之先

進鈞禮

唐書曰蕭穎士開元間舉進士對策第一補秘書正字於時裴耀卿席豫張均宋遙韋述先進

器其才與鈞禮

豪健恃才

又曰王翰并州人少豪健恃才及進士第喜捕酒張嘉貞為本州長

史偉其人厚遇之張說至益加禮及說輔政召為秘書正字

文字生

知宋史曰雍熙初楊億

年甫十一太宗聞其名詔江南轉運使張去華就試詞藝送闕下連三日得對試詩賦五篇下筆立成太宗深

加賞異宰相削草為賀翌日下制曰汝方髫髻不由師訓精爽神助文字生知越長絕塵一日千里予有望於

汝也即授秘書省正字

三洪齊名

又曰洪适字景伯皓長子也與弟遵同中博學宏詞科後

三年弟邁亦中是選由是三洪名滿天下改秘書省正字

梁顥有子

又曰梁適翰林學士顥之

子也少孤嘗輯父遺文及所自著以進真宗
曰梁顥有子矣授祕書省正字
以上正字

祕書郎四

增詩唐李商隱代祕書贈弘文館諸校書詩曰清切曹
司近玉除比來秋興復何如崇文館裏飛霜後無限紅
梨憶校書 陸龜蒙寄韋校書詩曰萬古風烟滿故都
清才搜括妙無餘可中寄與芸香客便是江南地里書
宋賀方回寄黃魯直校書詩曰材如杞梓各稱良海
內知名獨豫章終歲且留天祿閣入看應號紫微郎

增制唐元稹授張籍祕書郎制曰敕張籍傳云王澤竭而詩不作又曰采詩以觀人風斯亦警予之一事也以爾籍雅尚古文不從流俗切磨諷興有助政經而又居貧晏然廉退不競俾任石渠之職思聞木鐸之音可守祕書郎白居易授王建祕書郎制曰敕太府丞王建太府丞與祕書郎品秩同而祿廩一今所轉移者欲職得宜而才適用也詩人之作麗以則建為文近之矣故其所著章句往往在人口中求之輩流亦不易得帑藏

之吏非爾官也而翱翔書府吟咏祕閣改命是職不亦可乎可祕書郎

增狀宋朱子辭免祕書郎狀曰竊惟國家開建圖書之府所以儲蓄秀異之才選試有程未始輕授郎以奉守為職雖異典校之官然自昔相承或用以處老成者德之士如熹凡陋豈所克堪今若貪冒寵榮不自量度此必坐取嘲笑以累聖主知人之明又况頃年屢以多病懇辭召命已蒙聖慈洞照肺腑既憐其愛君憂國粗有

畎畝夙夜之誠而又知其衰朽無庸重閔勞以官職之
事故凡所以假借褒嘉惠養全活之意雖非愚賤之所
當得然天地父母委曲生成之恩則有以不可終辭者
今乃欲因聖主前日所以假借惠養之資而遂夤緣以
冒進擢無涯之寵則是古人所謂登龍斷以罔市利者
是以恐懼回皇不敢祇受

原彈文梁沈約奏彈祕書郎蕭遙昌文曰謹按兼祕書
郎臣蕭遙昌盛戚茂年升華祕館淑慎之迹未彰違情

之容已及宜寘徽網以肅朝風請以見事免遙昌所居
官

增記唐權德輿祕書郎壁記曰按六典祕書郎四人從
六品上分掌四部書以甲乙丙丁為之目昔漢武帝聚
天下文籍於廣內謂之中祕書魏晉之際祕書與中書
或分或合故云職近日月宜居三臺之上丞郎之位與
南宮相亞國初思漢庭延閣之制薄江左貴遊之選始
以岑江陵虞永興褚河南迭為之厥後彬彬多文學之

士今年春榮陽鄭君具瞻自涇陽尉承詔授任今中書相君之令弟也在昔鄭默領中外三閣始刪煩文而朱紫不雜開元初君之王考潁川叔祖刑部皆由禮官博士繼登其任諸父諸兄或解巾以司讐校或功次而奉朝請含章筮仕多在於斯猶桓公武公之代為卿士蓋善於其職而宜之之義也

著作郎一

原杜氏通典曰著作郎漢東京圖書悉在東觀故使名

儒碩學入直東觀撰述國史謂之著作東觀皆以他官

領焉蓋有著作之任而未為官員也

蘭臺令史班固傳
穀洛陽令陳崇長

陵令尹敏司隸校尉孟冀
及楊彪等並著作東觀

魏明帝太和中始置著作郎

官隸中書省專掌國史

衛顗字伯儒以侍
中尚書典著作

晉元康二年

詔曰著作舊屬中書令祕書既典文籍宜改中書著作

為祕書著作於是改隸祕書後別自置省謂之著作省

而猶隸祕書著作郎一人謂之大著作專掌史任進賢

兩梁冠介幘絳朝服宋齊與晉同梁制一梁冠而無印

綬後魏北齊並有著作郎後周為著作上士二人掌綴
國錄屬春官之外史隋於祕書省置著作曹著作郎二
人唐為著作局置著作郎二人亦屬祕書省龍朔三年
改著作郎為司文郎中咸亨初復舊初著作郎掌脩國
史及製碑頌之屬分判局事 初學記曰案著作郎魏

官也魏晉之際多中書兼國史之職史官在焉故魏代
王沈為中書著作郎晉初繆徵為中書著作郎並是也

唐初因之 增文獻通考曰宋舊為寄祿官

郎後為奉
議郎佐郎

後為宣
毅郎

元豐正名掌脩纂日厯祭祀祝辭則著作郎主

之

初除林希為大著豐
稷為小著皆一時選

日厯所隸祕書省著作郎著作

佐郎掌以宰相時政記左右史起居注所書會集脩撰
為一代之典舊於門下省置編脩院專掌國史實錄脩
纂日厯官制行屬祕書省國史院 續文獻通考曰金
元因唐制為著作局有著作郎著作佐郎亦隸於祕書
監至明此官不設

著作郎二

原待詔

刊石

晉元康元年詔曰著作郎舊隸中書大興二年依漢故事召陳郡王隱待詔著

作單衣介幘月朔詣於著作省班次依佐郎也晉中興書曰孫綽為散騎常侍領大著作轉廷尉著作如故

於時才筆之士綽為冠故溫王郁才筆史法上詳

注王隱晉書曰何嵩善史法為著作

祕省

史才

帖白

司文籍

議

限斷

上詳通典王隱晉書曰陸士衡以文學為祕書監虞濬所請為著作郎議晉書限斷

增

列學士

為史官

唐書曰太宗為天策上將軍作文學館收聘賢才許敬宗以著作郎與十

八學士之列下詳後著作佐郎初學記注

編御製

陳中道

唐書曰著

上表請編錄御製詩集太宗譙讓不許宋史曰楊時字中立師事程頤程頤學者號龜山先生會有使高麗

者國王問龜山安在使回以聞召為祕書郎遷著作郎及面對陳元祐熙豐額姑置勿問一趨於中而已於是

元祐諸臣皆

蘭臺兼領

祕閣儲英

上詳通典注宋史曰孝宗時

次第牽復

黃洽由祕書郎遷著作郎上諭詞臣祕閣儲英俊為異時公卿用行黃洽詞可及之

原職閒稟

重書過記功

閻纂集四言詩啓云臣少學博士祭酒鄒湛謂可著作語祕書監華嶠嶠報書

云著作郎職閒東重勢貴多事不暇表其才用臣逆糾思草萊無朝廷文翰武功勤勞久跡之事溫嶠表云

夫國史之典明得失之跡以諷其上記功書過謂之實錄今之祕書著作宜得文史之才以辨經緯應

亨五葉

崔駰三世

應亨集讓著作表云自司隸校尉奉至臣五世著作不絕鄉族以為

美談

又云崔駰三世相繼其後無聞若乃談遷接武彪固踵跡向歆著美亦各一世之良也

增詭

浮屠行

撰百家類

唐書曰蕭德言系出蘭陵明左氏春秋以國子生為岳陽王賓客陳

亡詭

浮屠行

亡歸江南仁壽中授校書郎貞觀時

著作郎又曰孔至歷著作郎明氏族學與韋述蕭穎士

齊名撰百家類例以張說等為近世新族刻去之說子均方有寵怒曰天下族姓何預若事而妄紛紛者耶至

曰大丈夫奮筆成書奈何因人動搖卒不改

取世家子

試政事堂

又曰文宗

欲以真源臨真二公主降世族詔取世家子以聞杜中立及校書郎衛洙得召見禁中拜著作郎宋史曰王

曾召武學士院宰相寇準哥之特試政事堂授祕書省著作郎

占對明暢

文義汪

洋又曰向敏中解褐將作監丞通判吉州轉運使張齊賢薦其材代還為著作郎召見便殿占對明暢太宗

善之東都事略曰張文潛從蘇轍學轍見其文愛之蘇軾亦深知之稱其文汪洋澹泊有一唱三歎之聲云

元祐初為著作佐郎
改著作郎在館八年

原地居華省 職在脩文 漢

用史才任先班固

晉推經術選在李充

並為著作郎

漢

推良史選在孟堅

晉重名儒任先弘度

白帖

著作郎三

原料簡四部

晉陽秋云孝武好覽文藝敕著作郎徐野民料簡四部書凡三萬六千卷

分

作四部

晉中興書云李充為大著作郎於時典籍混亂充刪除煩重以類相從分作四部祕閣以為永

制 增潔身不就 唐書曰權舉擢進士第安祿山表署

幕府舉度祿山且反逸去晝夜南奔

客臨淮為驛亭保祿山反天下聞其名爭辟為屬舉終不就曰吾潔身亂世以全吾志欲持是受名耶以著作

郎召不就自中原亂士人率渡江
李華柳識韓洄王定皆仰高節

子翼嘗人

又曰劉子翼字

小心在隋為著作郎峭直有行嘗面折僚友
短退無餘訾李百藥曰子翼嘗人都不憾

元與浮

誕又曰舒元與自負才過人銳進取太和五年獻文闕
下不得報上書自言文宗得書高其激昂出示宰相

李宗閔以浮躁誕肆
不可用改著作郎

直筆東觀

北齊書曰天保二年
詔中書令兼著作郎

魏收撰後魏史初帝令羣臣各言志收曰臣
願得直筆東觀早出魏書故帝使收專其任

東觀會

成宋制左右史記言動之詳掌政記
時政之要以授東觀會而成書

異等改官

金史曰孟

宗獻發解第一是歲宗獻府試省試廷試皆第一號孟
四元故事狀元官從七品階承務郎世宗以宗獻獨異

等與從六品
改著作郎

原官在芸香

職惟筆削

白帖
衛顗典

著作

魏志衛顗傳云顗受詔典著作又為魏官儀凡所撰述數十篇好古文烏篆隸草無所不善

王沈典著作

晉書云王沈為祕書監正元中遷散騎常侍侍中典著作撰魏書多為時諱未若陳

壽之寶錄也

荀勗領著作

晉書荀勗以中書兼領著作

孫盛領著作

晉中興書太康孫錄云孫盛字安國以祕書監領著作干寶以散騎常侍領著作孫綽以散騎常侍及陳壽並

領大著作

謝沈有史才

晉中興書謝沈傳云沈字靜思何充庾冰並稱沈有史才遷著作郎

撰晉書三十餘卷時年五十二沈先著後漢書百卷及毛詩漢書外傳所著述及詩賦文論皆行於世其才學

在虞預之右

張載不經史

王隱晉書曰張載才不經史能作晉書

增應推

崔孝伯

後魏書曰韓顯宗除著作郎高祖嘗謂顯宗及程靈虬曰著作之任國言是司卿等之才朕自

妻悉若欲取古人班馬之徒固自遼闊若
求之當代文學之能卿等應推崔孝伯 鳳凰將九

子翰苑新書曰何承天除著作郎撰國史承天時已老
而諸佐郎並名家年少荀伯子嘲之常呼為妳母承

天曰卿當云鳳凰 非蘇軾不可 王鞏聞見錄云神宗
將九子何言妳母 與宰執議更官制至

著作郎則曰 原楊彪著作東觀 續漢書云楊彪博議
非蘇軾不可 多文著作東觀按華

嶠書曰彪與馬日磾盧 庾亮侍講東宮 庾亮別傳云
植蔡邕等著作東觀 亮拜中書郎

領著作侍講東宮其
所論說多見稱述

著作郎四

原詩北齊邢子才酬魏收冬夜直史館詩曰年病從衡

至動息自不安兼豆未能飽重裘詎解寒况乃冬之夜
霜氣有餘酸風音響北牖月影度南端燈光明且滅華
燭新復殘衰顏依候改壯志與時闌體羸不盡帶髮落
強扶冠夜景將欲近夕息故無寬忽有清風贈辭義婉
如蘭先言歎三友末言慙一官麗藻高鄭衛專學美齊
韓審喻雖有屬筆削少能干高足自無限積風良可搏
空想青雲易寧見赤松難寄語東山道高駕且盤桓
增制唐李嶠授崔融著作郎制曰鸞臺具官崔融長才

廣度瞻學多聞詞麗揚班行高曾史外臺美其方正中
省推其良直永言司典尤俟得人載筆西垣既藉微婉
紬文東觀更資博通宜升著作之庭兼就記言之地可
著作郎仍兼右史內供奉官 蘇頲授吳兢著作郎制
曰黃門具官吳兢祇服言行貫穿典籍蘊良史之才擅
巨儒之義頃專筆削仍侍軒階宜著書於麟閣復載籍
於鴻都可行著作郎兼昭文館學士餘如故主者施行
原表梁沈約到著作省表曰臣約言即日被召以本官

兼今職臣藝不博古學謝專家乏懷鉛之志慙夢腸之
術聯事乖善握蘭慚良謬勒斷蛇之符預刊冰河之業
路遙難騁才弱未勝而神工曲造雕絢彌疊珥筆史觀
記言文府趨奉載揚腴懽交顏

增記唐李華著作郎廳壁記曰漢太史公既沒其子遷
緘金匱石室之文降及東京永平中特詔班固著作東
觀繼其事者楊彪蔡邕由是太史但掌天文律厯而已
魏太和年肇以著作名官為中書屬晉元康年改隸祕

書朝服單衣介幘始親職必撰名臣傳歷宋齊梁陳官

品第六元魏高齊周隋秩從五品魏則王沈以侍中兼
之衛顗以尚書帶之至於有晉若史才之美陳壽自佐
郎遷元舅之尊庾亮以中書領宋則徐爰何承天齊則
沈約裴子野梁則陸雲公姚察陳則顧野王張正見後
魏則崔光高允北齊則邢子才魏收周則蘇亮柳蚪隋
則虞綽王邵皆一朝名選也貞觀初詔梁文昭公鄭文
貞公統英儒盛才脩五代史天子親垂筆削與春秋同

符巍巍乎史氏之光耀也因是開館於內別立史官多以著作郎領帶其職而舊司所掌惟碑誌祭祝之文在焉然以其能綜羣言且居百乘出典下國轉為郎官或上遷祕書少監或擢拜中書舍人固不易其任也唐之建官罔非俊乂若虞永興德涵大雅魏侍中才高王佐鄭吏部絕韻鏘鳴崔司業雄詞飛動皆厯焉

著作佐郎一

原杜氏通典曰著作佐郎魏置亦屬中書晉佐著作郎

八人進賢一梁冠絳朝服祕書監自調補之

太元四年詔祕書無

監使吏部選佐著作郎有監復舊

又問纂集云郭湛謂祕書監華嶠曰閭纂可佐著作嶠曰比勢貴多事不

暇求才按此則大著作祕監自調也

晉制佐著作郎始到職必撰名臣傳

一人宋初以國朝始建未有合撰者其制遂廢宋齊以

來遂遷佐於下謂之著作佐郎亦掌國史集注起居梁

初周捨裴子野皆以他官領其職官制與大著作同陳

氏為令僕子起家之選後魏有著作佐郎北齊有著作

佐郎各二人後周有著作中士四人掌綴國錄隋於祕

書省置著作佐郎八人煬帝加佐郎為十二人唐為

著作局置佐郎四人

開元二十六年減佐郎二人

亦屬祕書省

自宋以後

國史志屬祕書

龍朔二年改著作佐郎為司文郎咸亨初復舊

著作佐郎徒有撰史之名而實無其任其任盡在史館

矣其屬官有校書郎二人後魏著作省置校書郎北齊

著作亦置校書郎二人隋亦同掌讐校書籍若本局無

書兼校本省典籍正字二人

隋著作曹置正字二人今減一人掌同校書

初學記曰案著作佐郎魏代置掌貳大著作郎脩國史

初俱隸中書謂之中書著作佐郎晉惠帝時與大著作

郎同隸祕書後代因之

出宋書百官志

唐因之

張華年四十得河南尹丞不拜

轉著作佐郎

沈約宋書曰後漢以來太史但掌天文律歷而已其國記撰述悉在著作江左王導表著作為

史官是也

著作佐郎二

原西觀

南郊

張隱文士傳曰東晉字廣微元康四年晚應司空府八月餘亦除著作佐郎著

作西觀撰晉書草創三帝紀及十志

晉中興書曰郭璞太興元年奏南郊賦中宗嘉其才以為著作佐郎

難限斷

賦濛汜

晉紀曰東晉祕書監賈誼請為著作郎難陸士衡晉書限斷又曰

張載字孟陽作濠記賦太僕傳立見賦歎息以車迎載言談終日深相貴重載遂知名起家徵為著作佐郎

撰三國創十志

張華別傳曰陳壽好學善著述師事同郎譙周少仕蜀在觀閣為郎

除中書著作郎撰三國志下詳西觀注

增嗜漢書

議郊祀

唐書曰郝處俊好學

嗜漢書崖略暗誦貞觀中第進士解褐著作佐郎宋史曰杜錫為南唐集賢校理入直澄心堂江南平江左

舊儒多薦其能改崇文院檢討太宗將祀南郊彗星見宰相趙普召錫問之錫曰當祭而日食猶廢况謁見如

此乎普言於上即罷其禮翌日遵著作佐郎

善規益

恬進取

又曰王著善書筆迹

甚嫻頗有家法太平興國間轉運使侯陟以名聞召見賜緋加著作佐郎直御書院太宗聽政之暇常以觀書文筆法為意諸家字體洞臻精妙嘗命中使持御札示著著曰未盡善也太宗臨學益勤又以示著著答如前

中使詰其故著曰帝王始攻書或驟稱善則不復留心
矣久之復以問著著曰功已至矣非臣所能及其後真
宗嘗對宰相語其事且嘉著之善於規益於侍中待詔
中亦無其比又曰郎簡歷任縣令調隨州推官及引
對真宗曰簡歷官無過而無一人薦是
必怙於進取者特改祕書省著作佐郎
原傳玄歎賦

夏湛壞書

上詳賦濊記注張華別傳云陳壽好學
善著述除著作佐郎當時夏侯湛等多欲

作魏書見壽所作
即壞已書

增文學清選

天子門生

唐書王義方曰臣去

歲冬初雲陽下縣丞耳今春及夏陛下投臣著作佐郎
極文學之清選宋史曰趙遠紹興二年對策論君臣

父子之情甚切擢第一時檜意有所屬而遠對獨當帝
意檜不悅授遠左丞事郎簽書劔南東川帝嘗問檜趙
遠安在檜以實對久之帝又問乃除校書郎遠單車赴
闕征稅者希檜意搜行案皆書籍才穀金而已既就職

未嘗謁檜廡御製詩有皇心未敢宴安圖之句檜見之
怒曰遠猶以為未太平耶欲擗之未及而元帝臨哭檜
還即投著作佐郎兼權禮部員外郎帝臨景靈宮祀省
起居惟遠一人帝謂之曰卿始終皆朕自擢自卿登第
後為大臣沮格久不見卿秦檜曰薦士未嘗一
語及卿以此知卿不附權貴真天子門生也

著作佐郎三

增等身課

宋史曰賈黃中幼聰悟方五歲父玘每旦令
正立展書卷比之謂之等身書課十五舉進

士投校書郎集賢
校理遷著作佐郎

著作林

又曰范純仁以著作佐郎
知襄城縣襄城民不蠶織

勸使植桑有罪而情輕者視所植多
寡除其罰民益賴慕後呼為著作林

原並有史才

中晉

典書曰華譚為祕書監時晉陵朱鳳吳郡吳震等以單
族二人並有史才白首衡門後譚知之薦二人擢補著

作佐郎並
皆稱職

典治文義

石瑞紀著作郎卽衆表稱世祖
武皇帝擢臣負薪之中授臣著

作佐郎典治天下文
義數術乃撰諸志也

增內省參纂

唐書曰敬播貞觀
時擢進士第時顏

師古孔穎達撰次隋史詔播詣
祕書內省參纂再遷著作佐郎

奉詔至家

又曰陽城
隱中條山

陝號觀察使李沁數禮餉城受之欲辟致之府不起乃
薦諸朝詔以著作佐郎召沁使參軍事韓傑奉詔至其

家城封
還詔書

便殿讀古

宋史曰呂文仲入朝為少府監丞
預脩太平御覽廣記文苑英華改

著作佐郎太平興國中上每御便殿觀古碑刻報召
文仲讀之嘗令讀文選又令讀江海賦皆有賜賚

草定書疏

又曰楊億為著作佐郎太宗知其貧屢有需
賚時公卿表疏多假文於億名稱益著真宗

在京府微之為首僚
卽中書疏悉億草定

兩策制科

又曰張方平舉茂才
異等為校書郎又中

賢良方正遺著作郎當召試館職仁宗曰
是非兩策制科者乎何試也命直集賢院

殿中監

丞 尚食 尚藥 尚舍
尚乘 尚輦 附

原杜氏通典曰魏置殿中監官晉宋並同齊有內外殿

中監各八人梁陳因之其資品極下後魏亦有殿中監

北齊有殿中局置監四人屬門下省掌駕前奉引隋改

為殿內局置監二人大業三年分門下太僕二司取殿

內監名以為殿內省有監少監丞各一人掌諸供奉領

尚食尚藥尚衣

尚食即
舊御府尚舍

即舊殿
中局

尚乘

領左右六
閑及諸閑

尚

輦等六局

漢儀注曰省中有五尚即尚食尚冠尚衣尚
帳尚席或云秦置六尚謂尚冠尚衣尚食尚

沐尚席尚書若
今殿中之任

每局各置奉御二人以總之置直長以

貳之屬門下省唐改為殿中省加置少監二人丞亦二

人其官局職任一如隋制為一司不屬門下龍朔二年

改殿中省為中御府改監為中御太監少監改丞為中

御大夫咸亨初復舊 丞隋置一人唐加一人 增文

獻通考曰宋制殿中省判省事一人以無職事朝官充

舊有六尚之局名別而事存今尚食歸御厨尚藥歸醫

官院尚衣歸尚衣庫尚舍歸儀鸞司尚乘歸騏驎院內
鞍轡庫尚輦歸輦院皆不領於本省元豐正官制置監
少監丞各一人監掌供奉天子玉食醫藥御幄幣輿輦
舍次之政令少監為之貳凡總六局又置提舉六尚局
及管幹官一員舊殿中省判省事一人以無職事朝官
充雖有六尚局名別而事存凡官隨局而移不領於本
省所掌惟郊祀元日冬至天子御殿及褹袷后廟神主
赴太廟供其繖扇而殿中監視祕書監為寄祿官而已

後權太府卿林願乞復殿中省六尚以嚴奉至尊於是徽宗乃出先朝所度殿中省圖命三省行之而其法皆左正言姚祐所裁定歲崇寧二年也三年蔡京上脩成殿中省六尚局供奉庫務敕令格式看詳凡六十卷仍冠以崇寧為名政和元年殿中省尚伸上編定六尚供奉式靖康元年詔六尚局並依祖宗法又詔六尚局既罷格內歲貢品物萬數尚為民害非祖宗舊制其並除之續文獻通考曰遼殿中司隸於御史臺官曰殿中

曰殿中丞其屬有尚舍局奉御尚乘局奉御尚輦局奉御尚食局奉御尚衣局奉御金殿中監事多領於殿前都點檢司元初殿中監事皆領於四集賽而兼宿衛四集賽者太祖功臣博勒呼博爾濟穆呼哩齊拉袞四族也命其世領集賽之長集賽云者猶言番直宿衛也凡集賽內執事之名不一

如主弓矢主書寫主司閤主典車馬主衣服之類

悉世

守之又置侍正府即殿中監職也秩正二品侍正十四人同知二人僉府二人侍判二人掌內庭近侍之事奉

御二十四人

尚冠尚衣尚輦尚沐尚飾
尚輦奉御正副各二員

明奉御諸事俱

屬內侍此官不設

原杜氏通典曰尚食局奉御始秦

置六尚有尚食焉

如淳曰謂掌天子之物曰尚

後漢以後并其職於

太官湯官北齊門下省又有尚食局置典御二人後周

有尚膳上士中士凡進食先嘗之隋分屬殿內改典御

為奉御有二人唐因之龍朔二年改為奉膳大夫咸亨

初復舊直長隋置六人唐因之減置五人 增文獻通

考曰宋尚食掌膳羞之事典御二人奉御六人下有膳

工 續文獻通考曰遼有尚膳殿中司屬有尚食局奉
御元主奉烹膳者曰博爾赤 原杜氏通典曰尚藥局
奉御自梁陳以後皆太醫兼其職北齊門下省有典御
二人隋如北齊之制後改為奉御而屬殿內唐因之龍
朔二年改為奉醫大夫咸亨初復舊直長隋置四人唐
因之 增文獻通考曰宋尚藥掌和劑診候之事典御
二人奉御六人下有醫師 原杜氏通典曰尚舍局奉
御周禮有掌舍掌王行所止之處帷幕幄帟之事漢少

府屬官有守宮令丞掌宮殿陳設魏殿中監掌帳設監
護之事晉宋以下其職並在殿中監隋煬帝置殿內監
改殿內局為尚舍局置奉御二人唐因之龍朔二年改
為奉宸大夫咸亨元年復舊直長隋置八人唐因之而
減二人 增文獻通考曰宋尚舍掌次舍幄帟之事典
御二人奉御六人下有幕士 續文獻通考曰遼有殿
幄局有寢殿殿中司屬有尚舍局奉御 原杜氏通典
曰尚乘局奉御自秦漢以來其職皆在太僕北齊太僕

驛驢署有奉御十人管十二閑馬隋煬帝取之置尚乘

局置奉御二人唐因之增置奉御四人龍朔二年改為

奉駕大夫咸亨元年復舊

尚乘奉御掌六閑馬一曰飛黃閑二曰吉良閑三曰龍媒

閑四曰駒駉閑五曰駉駉閑六曰天花閑開元中減二人先是別置廄使因

隸焉猶屬殿中

武后萬歲通天二年五月置仗內閑廄令殿中丞袁懷哲檢校至聖歷二年改

為少監閑廄使自後他官相循為之

直長隋置十四人唐減四人

增文

獻通考曰宋尚乘歸驂驥院續文獻通考曰遼殿中

司有尚乘局金殿中監有尚廄局

隸太僕寺

尚乘之職舊本

隸殿中監元又立尚乘寺秩從三品掌上御鞍轡輿輦
羣牧驢騾及鞍轡造作收支遠方馬匹等事資乘庫提
點大使屬之 原杜氏通典曰尚輦局奉御周官小司
徒中大夫掌六畜車輦又宗伯巾車下大夫掌王后之

五輅輦車組輓有翼羽蓋

古謂人牽為輦春秋宋萬以
乘車輦其母秦始皇乃去其

輪而與之漢代遂為人君之乘後漢有乘輿六輦魏晉
小出則乘之及過江左孝武太元年中謝安率意而作
及破符堅得之形制無差大小如一時人歎其默識
宋武破慕容超獲金鉦輦古之輦輿大率以六尺為度
齊武帝造大小二輦輿雕飾甚工不下桐轅輓悉金
花銀獸 梁大輦中方八尺左右開視金鸞拱振 隋

有六輦大禮皆乘之

漢魏晉並太僕屬官車府令掌之東晉省太

僕遂隸尚書駕部宋齊梁陳車府乘黃令丞掌之後魏

北齊則乘黃車府令兼掌之後周則司車輅主之隋又

乘黃車府令丞掌之煬帝置殿內省尚輦局奉御二人

唐因之龍朔二年改為奉輦大夫咸亨元年復舊直長

四人隋置唐因之增文獻通考曰宋尚輦掌輿輦之

事元豐中神宗欲復建此官而度禁中未有其地但詔

御輦院不隸省寺令專達焉續文獻通考曰遼殿中

司有尚輦局金有尚輦局使

金各局俱有直長

元侍正府尚飾

奉御兼尚輦

尚衣監一

原杜氏通典曰尚衣監奉御周官有司服中士掌王之服辨其名物戰國有尚衣尚冠之職秦漢有御府令丞掌供御服而屬少府後漢有掌宦者典官婢作中衣服魏因之晉屬光祿勳江東省宋大明中改尚方曰左右御府各置令丞一人後廢帝初省御府置中署隸右尚

方其後又置初宋氏用三品勲位明帝改用二品淮南
臺御史掌金銀綵帛凡諸造作以供奉及妃主六宮梁
陳其職隸在尚方後魏有掌服郎北齊門下省統主衣
局都統子統各二人後周有司服上士二人中士二人
隋分屬殿內省其後又改為尚衣局置奉御二人唐因
之龍朔三年改為奉冕大夫咸亨元年復舊直長隋置
八人唐因之減二人 增文獻通考曰宋尚衣掌衣服
冠冕之事下有衣徒 續文獻通考曰遼有尚衣裁造

殿中司有尚衣局奉御元侍正府掌內庭近侍之事奉
御二十四人為尚冠尚衣尚輦尚沐尚飾尚輦各奉御
二員副奉御二員明此官不設

尚衣監二

原陶正

復陶

傳曰昔虞閼父為周陶正注
陶正復陶也主君上之衣服

罷齊三

服官

漢元帝詔罷齊三服官注春獻冠幘
為首服紩素為冬服輕綃為夏服

止害女工

物

漢哀帝詔齊三服官織綺繡難成
害女工之物宜皆止無作輸納也

法天地之數

舉四時之宜

丞相蕭何御史大夫周昌等議春夏秋冬
天子所服當法天地之數中得人和故自

天子王侯有土之君及兆人能法天地順四時奉宗廟
天子之大禮臣請法之中謁者趙充舉春李舜舉夏倪
湯舉秋貢禹舉冬各奉一時制
可注云各主一時禮物朝祭事

御定淵鑑類函卷九十四

欽定四庫全書

御定淵鑑類函卷九十五

設官部三十五

三老五更 國子祭酒 司業附
監丞 主簿 典簿 附 助教

學正 學錄 附

博士 太學博士 廣文館博士

四門博士

律學博士 書學博士

算學博士 並附

學生

三老五更一

原杜氏通典曰三老五更者三代所尊也

三者道成於
三謂天地人

也老者舊也壽也詩云方叔元老書稱無遺我黃耇之言則罔所愆五者訓於五品更者更也歷世長久更相

代言其能以善道改更已也故三老五更皆取有道夫妻男女完具者為之鄭玄曰老更互言之耳皆老人更知三從五事者也蔡邕曰更當為叟字之誤也天子父事三老兄事五更親袒

割牲執醬而饋執爵而醕

音爭漱也所以潔口

三公設几九卿正

履祝饌在前祝饌在後

饌音梗使音咽

使者安車輶輪送迎至

家天子獨拜於屏其明日三老詣闕謝以其禮遇太尊

故也後漢明帝以李躬為三老桓榮為五更安帝以

魯丕李充為三老靈帝又以袁逢為三老賜以玉杖

杖玉

長九尺端以鳩為飾鳩者不咽之鳥欲老人之不咽也

魏高貴鄉公即位幸太

學將崇先典命王祥為三老

祥字休徵

鄭小同為五更祥南

面几杖以師道自居天子北面乞言陳明王聖帝君臣

政化之要以訓之聞者莫不砥礪後魏孝文養老於

明堂以尉元為三老

元字荀仁

游明根為五更

明根字遠志

帝再

拜三老肅拜

鄭衆云但俯下手今時擡拜是也擡音於志反即今之揖也

給三老上

公之祿五更元卿之祿

後周武帝保定三年詔以太

傅燕國公謹

于謹

為三老賜延年杖帝幸太學以食之三

老入門皇帝迎拜門屏之間三老答拜有司設三老席

於中楹南向太師晉國公護升階設几於席三老升席
南面憑几而大司徒楚國公寧升階正鴈皇帝升立於
斧扆之前西面有司進饌皇帝跪設醬豆親自袒割三
老食訖皇帝又親跪授爵以醕有司徹訖皇帝北面立
訪道三老乃起立於席後皇帝曰猥當天下重任自惟
不才不知政治之要公其誨之三老答曰木受繩則正
后從諫則聖自古明王聖主皆虛心納諫以知得失天
下用安惟陛下念之云云三老言畢皇帝再拜受之三

老答拜禮成而出其餘歷代皆無

三老五更二

原崇至敬

魏氏春秋云甘露二年詔曰古者必有三老五更以崇至敬

若講師

續漢

書云養三老五更先吉日司徒上太傅若講師故三公人名用其德行年耆高者三公一人為三老次卿一人為五更皆服絺綌大袍單衣皁緣領袖中衣冠進賢扶玉杖五更亦如之

桓榮尚書賜爵

東觀漢記云明帝永平二年詔曰五更沛國桓榮以尚書授朕十有餘年其賜爵關內侯食邑二千戶

李躬學明賜爵

又云三老常山李躬年耆學明以二千石祿養終身

王祥秉義

淳固 小同溫恭孝友

魏氏春秋云甘露二年詔曰關內侯王祥秉義淳固鄭小同溫

恭孝友可以祥為三老小同為五更
於是天子乃親率羣司躬行古禮

國子祭酒一

司業附

原杜氏通典曰孫卿在齊為三老稱祭酒

胡廣曰凡官名祭酒皆一

位之元長古者賓得主人饌則老者一人舉酒以祭地故以祭酒為稱漢之侍中魏之散騎常侍功高者陞為祭酒用其義也公府有祭酒亦因其名漢吳王濞年老不朝為劉氏祭酒

則祭酒之名久矣又漢置博士至東京凡十四人而聰明有威重者一人為祭酒謂之博士祭酒蓋本曰僕射

中興轉為祭酒

昭帝增博士弟子員滿百人宣帝末增倍之元帝時詔能通一經者皆復數年

郡國置五經百石卒史成帝末增弟子員三千人平帝時王莽增元士之子得受業如弟子以為員歲課甲科四十人為郎中乙科二十人為太子舍人丙科四十人補文學掌故後漢安帝薄於藝文博士倚席不講學舍頽樊鞠為園蔬牧兒芻豎至於薪刈其下順帝感翟酺之言乃更脩黌宇凡所構二百四十房千八百五十室試明經下第補弟子增甲乙之科員各十人除郡國耆儒皆補郎舍人

魏因之晉武帝咸寧

四年初立國子學置國子祭酒一人國子周之舊名周

官有師氏之職即魏國子祭酒

周禮師氏以三德三行教國子有保氏而養國

子以道教之六藝也

晉視侍中列曹尚書

劉毅嵇紹並為此官

宋代不置學

則助教唯置一人而祭酒博士常置也明帝太始六年

以國學廢初置總明觀祭酒一人有元儒文史四科科
置學士各十人齊高帝建元四年有司奏置國學祭酒
准諸曹尚書博士准中書郎助教淮南臺御史選經學
為先若其人難備給事中以選明經者以本位領其後
國諱廢學永明三年立學尚書令王儉領祭酒學既建
乃省總明觀八年國子博士何肩單為祭酒疑所服陸
澄等皆不能據遂以元服臨試月餘日博議定乃服朱
衣齊梁號為國師

梁王承宇安期為國子祭酒承祖儉
父暕並居此職三代為國師前代未

有當時以為
榮疎音簡

陳後魏亦曰國子祭酒其初定中原先立

太學置五經博士北齊國子寺有祭酒一人隋開皇十

三年國子寺罷隸太常

凡國學諸官自漢以下並屬太常至隋始革之

又改寺

為學仁壽元年罷國子學唯立太學一所省國子祭酒

博士置太學博士總知學士煬帝即位改國子學為國

子監依舊置祭酒唐因之

龍朔元年東都亦置

龍朔二年改為司

成館又改祭酒為大司成咸亨初復舊光宅元年改國

子監為成均監神龍元年復舊領國子學

學生三百人

太學

學生四

四門

學生五百人

律學

學生五十人

書學

學生三百人

算

學

學生三十人凡六學生徒二千二百一十人每學各置博士以總學事及有助教等員天寶九年又於國

子監置廣文館領學生為進士業者置博士助教各一人品秩並與太學同

置祭酒一人掌

監學之政皇太子受業則執經講說皆以儒學優重者

為之天寶九載置廣文館學生進士 晉百官表注曰

博士祭酒一人掌國子學介幘皐朝服進賢兩梁冠佩

水蒼玉秦燔書籍而置博士之官博者博通於藝事也

沈約宋書曰博士秦官也常通古今員多至數十人

有僕射光武增為十五人蓋一經有數家之學故也皆

教弟子光武改僕射曰祭酒 齊職儀曰晉令博士祭

酒掌國子生師事祭酒執經葛巾單衣終身致敬 增

文獻通考曰宋國子監判監事二人以兩制或帶職朝

官充凡監事皆總之祭酒掌國子太學武學律學小學

之政令凡諸生之隸於太學者立三舍法崇寧立辟雍

置大司成一人為師儒之首總辟雍太學之政令位諸

曹侍郎上宣和罷中興初并國子監歸禮部紹興三年

置國子監十二年置祭酒十三年始復建太學續文
獻通考曰遼南面國子監太祖置於上京中京國子學
隸焉官曰祭酒司業監丞主簿金海陵天德三年初
置國子監國子學太學皆隸焉元世祖至元初以許
衡為集賢館大學士國子祭酒教國子與蒙古大姓四
集賽人員選七品以上朝官子孫為國子生隨朝三品
以上官得舉凡民之俊秀者入學為陪堂生伴讀至元
二十四年始置監祭酒司業掌學之教令皆德尊望重

者為之皇慶二年置崇文閣於國子監外別有國子學

蒙古國子監准漢人國子監例置官亦同 明太祖吳

元年定國子學官制設祭酒等員十年置中都國子學

十四年更定祭酒一人司業二人其屬監丞二人博士

五人助教十五人典簿一人學正十人學錄七人典膳

一人掌饌二人十五年相地於都城之北改國子學為

國子監頒教條及禁例於天下十六年命曹國公李文

忠領國子監事車駕時時臨視以故監官不得中廳而

坐中門而行二十六年革中都國子學祭酒掌國學舉人貢生官生恩生例生及年幼勲臣訓教之事凡訓教諸員奉監規而損益焉要在明體適用以孝弟忠信禮義廉恥為本尊師親友讀書寫字為業有不率者扑之不悛徙謫之其率教者有升堂積分及超格序用之法以廩饌贍師生以力役給厨膳以賜予示恩賚以寧假悉人情以撥歷練吏事以考選汰冗濫太祖親製條規十八款於監仍令天下各學勒臥碑以示諸生成祖永

樂元年設北京國子監列為二監至十九年定鼎北京
於留都加南京二字二監雖並列而治法本原實始於
南原國子司業杜氏通典曰煬帝大業三年於國子
監初置司業一人禮曰樂正司業父師司成因以為名
唐置二人副貳祭酒通判監事龍朔二年改為少司成
咸亨初復舊凡祭酒司業皆儒重之官非其人不居
增文獻通考曰宋元豐正官名置司業一人紹興十三
年始復建太學隆興并省司業不與祭酒並除乾道七

年乃並除如故遼金元皆設明置二人上幸太學祭酒及司業執經講義

國子祭酒二

司業附

原蜀志秦宓傳曰先王既定益州廣漢太守夏纂請秦宓為師友祭酒領五官掾 晉中興書云杜夷素以儒稱秉操貞素中宗以為儒林祭酒 增前秦錄曰建元七年高平蘇通長樂劉祥並以碩學者儒尤精二禮堅以通為禮記祭酒居於東庠祥為儀禮祭酒處於西序

堅每月朔旦率百僚親臨講論 隋史曰隋元善賜爵

江陽縣公後遷國子祭酒帝親臨釋奠命善講孝經於是數陳義理無以諷諫上悅曰聞江陽之說更啓朕心

唐書曰張後胤以經授秦王及太宗即位為睦州刺史因入朝乞骸骨太宗曰卿氣力猶強欲何官也後胤陳謝不敢太宗曰朕昔從卿受經卿從朕求官何所疑後胤頓首願得國子祭酒從之 又曰褚無量字弘度

擢明經累除國子博士遷司業中宗將南郊祝欽明郭

山憚建言皇后為亞獻無量與太常博士唐紹將欽緒等上書引禮固爭不得及明皇為太子釋奠國學令講經建端樹義博敏而辯即位遷國子祭酒 又曰太宗以孔穎達在東宮數有匡諫拜國子祭酒仍侍講東宮太宗幸國學觀釋菜命穎達講孝經既畢穎達上釋奠頌手詔褒美先是與顏師古等諸儒受詔撰定五經正義下詔曰卿等博綜古今義理該洽考前儒之異說符聖人之幽旨實為不朽付國子監施行 又曰韓愈拜

國子祭酒奏儒生為學官日使會講生徒奔走聽聞皆相喜曰韓公來為祭酒國子監不寂寞矣 又曰鄭覃故相珣瑜之子以宰相無判國子祭酒奏太學置五經博士各一人緣無職田請依王府官例賜祿廩從之

宋史曰宋初崔頌判國子監建隆三年夏始會生徒講說太祖遣中使以酒果賜之每臨幸國學召頌與語因及經史頌應答無滯及郊祀以頌攝太僕升車執綏上問以一時典禮頌占對閑雅上甚重之 又曰邢昺咸

平中為國子祭酒景德二年上幸國子監閱庫書問曷
經版幾何曷曰國初不及四千今十餘萬斯儒者逢時
之幸也上方興起道術令曷與張雍杜鎬孫奭舉經術
該博德行端良者以廣學員 又曰呂公著為祭酒所
舉學官如王回吳政姜潛張載皆一世大儒王存顧臨
為元祐名臣常秩吳申黃履朱臨盛僑亦顯於世處士
陳頤隱居不仕公命博士即其家敦請以為太學正頤
固辭公即命駕過之 又曰李綱之罷太學生伏闕上

書乞留綱與种師道軍民集者數十萬朝廷欲防禁之
吳敏乞用楊時以靖太學時得召對言諸生伏闕紛紛
忠於朝廷非有他意但擇老成有行誼者為之長貳則
將自定帝曰無逾於卿遂以時兼國子祭酒 元史曰
許衡為中書左丞論阿哈瑪特專權罔上蠹政害民若干
事不報因謝病請解機務帝久欲開太學乃以為資政
殿大學士兼國子祭酒衡聞命喜曰此吾事也國人子
大朴未散視聽專一若置之善類中涵養數年將必為

國用乃請徵其弟子王梓劉季偉韓思永耶律有尚呂
端善姚燧高凝白棟蘇郁姚燾孫安劉安中十二人詔
驛召之來京師分處各齋以為齋長時所選弟子皆幼
穉衡待之如成人愛之如子出入進退其嚴若君臣其
為教因覺以明善因明以開蔽相其動息以為張弛課
誦少暇即習禮或習書算少者則令習拜跪揖讓進退
應對或射或投壺負者罰讀書若干遍久之諸生人人
自得下至童子亦知三綱五常之道 又曰許衡告老

去以王恂為國子祭酒祭酒之制實始於此 明獻徵

錄曰洪武時太學初成中外歲貢生徒日夥適選悞者
掌之師生相訐教尼不行十六年以文淵閣大學士宋
訥為國子監祭酒請於上嚴立學規諸生皆知敬畏上
慮功臣子弟有不服扑罰者命曹國公李文忠兼領監
事由是貴胄肅然受教年八十卒於官上自製文遣官
致祭其後歲辛未太學生有連舉大魁者上思訥曰此
宋祭酒訓迪之功也凡諸生守官稱職者多出訥門上

每舉訥為教國子者楷法 又曰李懋字時勉以字行

正統六年為祭酒嚴毅正大極意造就人才初至今坐
堂一月後乃散處於廂房列格致誠正四號號房有家
室者居外晨入饌堂讀書俱朔望升堂其於四號督勵
尤切夜讀務盡二更將五更復令膳夫提鈴循號房喚
起讀書或自潛行以察勤惰無燈者令人暗記明示責
罰自是燈光達旦書聲不歇學者感激競相勸勉諸生
貧病者節縮餐錢力為贍給

國子祭酒三

司業附

原傳經 講學

戴逵為儒林祭酒刻石傳經 下詳書鈔

增儒宗 散地

後周盧誕有名於時文帝以誕儒宗學府乃拜國子祭酒唐書曰肅宗時楊綰為吏部侍郎元載秉政忌綰望高官者魚朝恩判國子監既誅因是建言太學當得天下名儒即拜綰國子祭酒外示尊重而實以散地處之權德輿書以劉秩為祭酒置之國庠似在散地

虎闌

槐市

王元長曲水詩序入虎闌

而齒胄注周禮曰師氏以三德教國子居虎門之左蔡邕明堂月令論曰周官有闌門之學輸曰虎闌教國子之學所也淮南子太學曰槐市又三輔黃圖云元始中起明堂列槐樹數百行朔望諸生持經書及當郡所出物於此買

賣號槐市

清官後

儒人師

齊書曰張緒字思曼清簡寡欲建元元年

立國學以緒為太常卿領國子祭酒何點歎曰晉以子敬季琰為此職今以王延之張緒為之可謂清官後接之者實為未易元史曰輩為國子祭酒性剛正不佞佛帝師至京師有旨朝臣一品以下皆乘白馬郊迎大臣俯伏進觴帝師不為動惟裊舉觴立進曰帝師釋迦之徒天下僧人師也余孔子之徒天下儒人師也請各不為禮帝師笑而起舉

懷珍果

判祥瑞

陳書曰徐孝克孝穆

弟也性至孝為國子祭酒孝克每侍宴無所食噉而膳羞損減宣帝以問中書舍人管斌斌伺之見孝克取珍果納紳帶中歸以遺母宣帝聞之嗟歎良久乃敕自今宴享孝克前饌並遣將還以餉其母時論美之唐書曰則天稱制不佞官爵取悅當時國子祭酒多授諸王駙馬都尉貞觀故事祭酒上日皆講五經題至是諸王駙馬為祭酒者赴上惟判祥瑞三牒而已至於博士助教雖有學官之名多非儒雅之實

原選有

道人 宜素業士

漢舊儀曰博士祭酒選有道之人習學者祭酒國子卿大夫之子弟

孔

儼用阮叔為儒林祭酒教云方當庠序之教宜素業士

漢擢荀卿

晉選劉毅

並為祭酒也見白帖

增請崇文學

宜處老成

唐書曰蕭昕代宗時擢國子祭

酒請崇文學以立教本帝悟其言詔羣臣有籍於朝及神策六軍肄業者聽補生徒 宋史曰元祐中鄭穆以寶文閣待制兼祭酒每諸生請益無間寒暑六年請老范祖禹上言穆雖年七十精力尚强祭酒居師資之地正宜處以老成願

盧誕人師

虛齋理學

後周盧誕本名恭祖

母輕聽其去不報

拜給事黃門侍郎文帝詔曰經師易得人師難求因賜名誕拜國子祭酒 明蔡清號虛齋晉江人正德時拜

南京國子監祭酒命甫下而卒所著有易經四書蒙引太極圖密箴世宗特命頒行纂列姓名於理學名臣錄

宿儒並命

師範齊名

宋史曰馮元字道宗仁宗朝判國子監故事國子監必宿

儒典頌元與孫奭三命與論大服

明陳敬宗為南京

祭酒以師道自任時北監祭酒李時勉約束諸生身教

亦嚴世稱

南陳北李

兩為祭酒

五居國學

元歐陽元三任成均兩為祭酒又

耶律有尚字伯強遼東丹王十世孫受業許衡之門稱高第弟子衡為祭酒奏門人為齋長以伴讀有尚其一

也衡告老還乃以有尚等為助教及有尚去而國學事廢廷議以為非有尚無足以繼衡者除國子司業奏立

學館二十四年朝廷大啓學舍始立國子監官增廣弟子員於是尚有尚陞國子祭酒儒風為之丕振有尚前後

五居國學身為學者師表數十年海內宗之猶昔之宗衡也

原安車迎君賓

執

經問行齋

漢書龔勝傳云勝字君賓王莽遣使者拜為講學祭酒稱疾不應徵後莽奉璽書太子師

友祭酒印綬安車駟馬迎勝勝曰今年老矣豈以一身事二姓哉臧榮緒晉書曰杜畿字行齊除國子祭酒皇太子禮之執經問焉增遣使起之於家重臣多出其門明謝

鐸弘治間擢南京國子監祭酒致仕歸薦者以十數特擢禮部右侍郎管國子祭酒事命吏部遣使即其家起之又胡儼永樂間為國子祭酒方岳重臣率多出其門道足以鎮雅黜浮學

足以起頑立懦

明林俊謂祭酒謝鐸以上祭酒

宗元美陽城

胡

寅責高閑

唐陽城為國子司業後出為道州刺史太學諸生何蕃等二百人頓首闕下請留城柳宗

元與蕃等書曰昔李膺嵇康時太學生徒仰闕執訴僕謂迄今千百年不可復見乃在今日誠諸生見賜甚盛將亦陽公漸漬導訓所致乎宗紹興時閑為司業既請行經義課試之法新學成奏補試者六千人且乞臨

雍繼率諸生上表以請於是帝幸太學泰禧執經問講
易泰卦胡寅聞之以書責問曰閣下為師儒之首不能
建大論明天人之理乃阿柄臣希合風旨求舉
太平之典欺天罔人孰甚焉平生志行埽地矣

四輔

為司業 三人皆高年

明吳源字性傳洪武三年與杜
數龔數趙民望李祐俱召為四

輔官兼太子賓客後上以源賢復召為國子監司業

又王嘉會字原體洪武十五年為國子右司業時宋訥

為祭酒太學生常數千人嘉會與訥及左司業龔數嚴

立楷範三人者春秋已高鬚鬢鬢如正其衣冠旦夕端

坐諸生雲集階下肅然望而畏之以是士類率教多所

造就上知其勞眷待殊厚蓋洪武時有左右兩司業也

以上

司業

國子祭酒四

司業附

原成均

國子監也

太學

國學

增為終身

宋書丘靈鞠領東觀祭酒曰人居官

願速遷使我為祭酒終身不恨也

久不調

明獻徵錄曰陳敬宗字光世永樂時為南京祭酒平

生剛介官太學二十餘年諸生位有至卿貳者而敬宗獨久不調意豁如也

原奏立國子

學

晉諸公贊云裴頠惠帝時拜為國子祭酒奏立國子太學起講堂築門閤刻石以寫五經

上疏

興國學

晉中興書陳郡袁錄云素環字山甫為國子祭酒時屢經喪亂禮教陵遲上疏求立學徒帝從

之國學之興自環始也

劉毅博學多聞

臧榮緒晉書云武帝詔曰劉毅博學多聞其以

毅為散騎常侍國子祭酒

劉智學行優著

又云咸寧四年詔曰南陽王師劉智學行優著

其以智為國子祭酒

戴逵遠槩發蒙胄子

王珣啓戴逵為祭酒云前國子博士戴逵

綽有遠槩堪

發胄子之蒙

庾純儒行訓導國子

臧榮緒晉書云咸寧三年詔曰議郎

庾純篤學好古敦說詩書儒行

也宜訓導國子

以上祭酒

增貳成均

唐柳宗元為國子司

業陽城遺愛碣云帝求師儒貳

我成均進退作則動言是微

命樂正

宋蘇轍除盛喬制云命樂

正之官輔司成之位往祗厥職

毋使陽城韓愈之流專美前世

參掌禮儀

唐韋叔夏精通三禮

遷成均司業久視元年特下制曰禮儀國家所重司禮

博士未甚詳明成均司業韋叔夏太子率更令祝欽明

等博涉禮經多所該練委以參掌冀弘典式自今

司禮所修儀注並委叔夏等刊定訖然後進奏

誦

詩規諷

唐郭山惲景龍中累遷國子司業帝昵宴近臣及修文學士詔偏為伎工部尚書張錫為談容

壤舞將作大匠宗晉卿為渾脫舞左衛將軍張洽為黃

鸞舞給事中李行定歌車駕西河曲各有所陳皆鄙黷

山惲惟知誦詩乃誦鹿鳴蟋蟀二篇未畢中書令李嶠以其近規諷止之帝嘉其直下詔褒咨

崇敬

建議

又歸崇敬字正禮大歷中授國子司業時皇太子欲以仲秋月於國學行齒胄之禮崇敬以國學及

官名不稱請改國子監為辟雍省又以祭酒之名非學官所宜按周禮師氏掌以義詔王敎國子請改國子為太師氏又司業者禮記云樂正司業正長也言樂官之長司主此業按周頌設業設虞則業是懸鐘磬之柎虞也今太學於義則無所取請改司業一為左師一為右師詔下議者以為習俗既久重難改作其事不行

陽城下遷

又陽城下遷國子司業引諸生告之曰凡學者所以學為忠與孝也諸生有久不省親者

乎明日謁城還養者二十輩有三年不歸侍者斥之簡孝秀德行升堂上沈酗不率敎者皆罷之躬講經籍生徒斤斤皆有法度

經義課試之始

宋高閑字抑崇紹興時為國子司業時興太學閱奏

宜先經術帝曰士習詩賦已久遽能使之通經乎問曰
先王設太學惟講經而已國初猶循唐制用詩賦神宗
始以經術造士遂罷詩賦又慮不足以盡人才乃設詞
學一科今宜以經學為主而加詩賦帝然之閱於是條
具其法以六經語孟義為一場詩賦次之史論時
務策又次之太學課試及郡國科舉盡以此為法

郡

國升補之制

宋史郡國士補國學監生之制亦間所立

以上司業

國子祭酒五

原表齊王融為王儉讓國子祭酒表曰竊以庠均義重
振古所崇資師道尊有來攸尚匪曰蘭芷疇變入室之
情不自朱藍何遷素絲之質況臣仁慙富似德謝潤身

識陋令經器非匣重何以昇墜道於殊年反斯文於遙
日將使良璣脩竹無增瑩羽敬遜務時遂騫星歲 又
表曰臣聞脩瓦方湛弱露霑而取覆懸衡紀正輕塵委
而必移況臣才非應俗用乖知治取其集冰飲水旌懸
輪驚方臣之念未足言矣 後魏溫子昇為安豐王延

明讓國子祭酒表曰臣聞寶劍未砥猶乏切玉之功美
箭闕羽尚無衝石之勢況才非會稽之竹質謝昆吾之
金至於敷教東序流訓上庠置樽候酌懸鐘待叩必須

蘊朱藍以成彩立規矩以為式垂三行於貴游揚六藝
於胄子而臣學愧聚沙問慙攻木雖歷文史不治章句
於茲曠官青衿何仰 增唐李嶠讓成均祭酒表曰東
序蟻學稱為教化之宮西膠席門實應文章之宿論姬
孔之制度談夏商之損益方期遺典墜業有可發明豈
伊曲學謏聞所堪尸忝伏望俯停庸瘝改命耆儒則授
几肆筵還知入廟之禮褒衣博帶不濡在梁之翼

監丞一

主簿 典簿附

原杜氏通典曰監丞隋置二人唐一人 增文獻通考
曰宋遼一人金二人明昌二年增一人兼提控女直學
元一人專領監務明置二人監丞坐繩愆廳參領監事
凡師生怠教不率教及廩膳不潔並糾懲之而堅明其
約束師生有過書而識之建文時陞監丞為堂上官永
樂初復舊仍為屬官 原主簿杜氏通典曰北齊置隋
一人唐因之 增續文獻通考曰宋置主簿一人以京
官或選人充掌文簿以勾考其出納元置典簿一人掌

提調諸生飲膳與凡文牘簿書之事明因之典簿典出
納文移受支金錢季報課業

監丞二 主簿 典簿附

增南丞改北

明獻徵錄曰張顯字緝熙洪武中被薦自王府教授為國子學正秩滿陞監丞莅事

公勤六館皆敬重之乃條陳百務成法益備時北監初
建惟司業貝泰署印教尼不行朝議以顯素諳典章乃
奏改北詔報可遂兼程以往經理學舍勸懲淑慝百廢
畢興輔泰所不逮泰舊嘗為南監助教顯降意下之協
恭和衷嚴申學規激勵後進於是諸生
數千人肅然敬服莫不以顯為能盡職

翰檢為丞

又曰

林大猷字子道舉鄉薦遷國子學錄勤於啓迪執經從
游者無慮數百輪番聽講又約曰通集太學諸生聽講

謂之普講祭酒耿裕待以賓禮進監丞滿九

擢恬退

載陞翰林院檢討仍管監丞事以上監丞

宋史曰韓維字持國仁宗患縉紳奔競論近臣曰恬退者旌擢則躁求者知耻於是宰相文彥博宋庠等言維

好學嗜古安於靜退乞加甄

錄以厚風俗除國子監主簿

兼書庫

宋國子監有書庫官以京朝官

充掌印經史羣書以備朝廷宣索

賜予之用隆興間詔主簿兼書庫

力學多通

唐書曰樊宗師

字紹述始為國子主簿力學多通韓愈稱宗師議論有經據嘗薦其材云

論事不合

宋史曰王

庭珪字民瞻除國子主簿論事與時宰不合乞去主管台州崇道觀

成儒名盡子職

明獻

徵錄曰蕭邦現廬陵人舉明經為邑學訓導每得俸給必製衣服備甘旨以奉父母扁其堂曰養志明初陞國子典簿見諸生有三年省祭及為養親而行者必委曲成就之有不顧父母之養者輒呵責之祭酒張顯宗司

業張智禮重之亟稱其孝友學者稱為養志先生

仕不近利學不近名

又曰趙魯

字尚確山陰人宣德初領鄉薦歷任教諭正統十二年始陞國子監典籍日端坐觀書詠詩校對訛缺或忘寢食暇則鳴琴自娛祭酒陳敬宗謂人曰趙尚確仕不近利學不近名對之坐談簡淡有味令人興起今之黃叔度也久之遷典簿益勤敏盡職不以為卑及秩又滿引年致仕行李無一長物惟囊書數百卷而去以上主簿典簿

助教一

學正 學錄附

原杜氏通典曰晉咸寧四年初立國子學置助教十五

人以教生徒江左及宋並十人

宋置易尚書毛詩禮記周禮儀禮左傳公羊穀

梁各為一經論語孝經為一經合十經助教分掌

宋齊並同梁國子助教舊視

南臺御史品服與博士同陳因之後魏亦有之北齊置

十人隋置四人唐國子助教三人諸府州縣各有助教

職員

府州二人縣一人學生各有差

增續文獻通考曰遼國子學太

學並置助教金國子學助教二人太學助教四人元國

子學助教四人分掌各齋生員明置助教十五人與學

正學錄坐正義崇志廣業脩道誠心率性堂專職教誨

嚴程課講解經義文字約之規矩 學正學錄續文獻

通考曰宋國子正錄大觀初置掌行學規糾不如規者
罰之太學正錄仁宗朝胡瑗掌太學其正錄第補諸生
熙寧末興三舍始遷官為正錄如學官之制正錄各五
人元置學正學錄各二人督習課業明因之置學正十
人學錄七人其職掌與助教同

助教二

學正 學錄附

增二蓋齊名

唐書曰蓋文達博涉經史刺史竇抗嘗廣
集儒生令相問難大儒劉焯劉軌思孔穎

達咸在坐文達亦參焉既論難皆出諸儒意表抗大奇
之問蓋生所受學劉焯曰此生岐嶷出自天然以多問

寡焯為師抗曰可謂永生於水而寒於水矣武德中為國子助教其宗人文懿亦以文業知名當時稱二蓋焉文懿武德初歷國子助教嘗開講毛詩發題公卿咸萃更相問難文懿發揚風雅甚得詩人之致貞觀中終國子博士

三國釋憾

又曰朱子奢授國子助教貞觀初高麗百濟同伐新羅連年不解兵帝假

子奢員外散騎侍郎持節諭旨釋三國之憾子奢有儀觀夷人尊畏之二國上書謝罪贈遺甚厚

恬

靜安職

明獻徵錄曰金礪字汝用以乙榜為教職九年秩滿需次者久之永樂庚辰宜陞國子典籍大

學士楊士奇雅重之九年秩又滿乃書最以去既歸省先墓及復任又久之乃得陞助教恬靜安職絕無外慕

人以為

模範端重

又曰羅用俊為國子助教為人孝友嚴正重義輕利所至以身為教

賢云

士敬信之去則立主祀於名宦祠在南監日久模範端重公卿大夫咸加尊禮

挾策趨門下

元史曰虞集除國子助教即以師道自任諸生時其退每挾策趨門下卒業他館生多相率詣集請益

考最不自陳

明獻徵錄曰歐陽賢永樂間為南京國子助教九年考最凡考最復職者皆援例自

陳得陞衆謂賢曷自陳曰吾常戒學者宜安命乃今自蹈之耶卒不自陳以上助教

繫籍聖

賢

宋史曰度宗時國子正余安裕乃謝枋得之甥少從枋得學客有盛談安裕於枋得者枋得笑曰昔呂東

萊中宏詞科而歸學者羣登其門請升講坐陳同父勸東萊勿許曰伯恭未是繫籍聖賢豈可升坐東萊問其故同父曰官為宰相可以生殺廢置人官為臺諫可以彈駁榮辱人官為國子監可以考校舍法去取人開口高談道德性命縱有錯謬人無敢爭辯者畏其勢也此三等謂之繫籍聖賢東萊大笑而止今安裕為國子正乃繫籍聖賢宜乎子之敬畏而稱頌之也客大慙按熙寧中興三舍始選學正凡五人掌行學規諸生之戾規

矩者待以
五等之罰

一命為正

又曰周邦彥字美成元豐間初遊京師獻汴都賦萬餘言神宗

異之命侍臣讀於通英閣召赴政事堂自太學諸生一命為正

大儒為正

宋真德秀魏了翁皆

為國
子正

纂輯本末

宋史袁樞字機仲一日上謂龔茂良曰史書編年事多間斷莫詳始末茂

良對曰近有太學錄袁樞嘗取資治通鑑各分條目輯為一書謂之通鑑記事本末頗便觀覽上曰可速進之

遂呈
御覽

越格進用

樓攻媿集陳止齋傳良授泰州教授未赴會太學錄闕叅政龔茂良行宰

相事奏曰太學錄一闕睥睨者衆臣欲擇取名儒為士林所推者越拘攣而用則人自服矣上問為誰以傳良

對上曰是朕所素知者

上舍特除

宋紹興四年詔太學生黃倫升補上

等上舍特與補左承務郎除太學錄焉

伯衡恬靜寡欲

明獻徵錄蘓伯衡字平仲浙江

金華人文定公轍九世孫也元末舉鄉貢進士入明選為國子學錄遷學正屹然以師道自任教胄子者五年近臣有薦其才於上者即曰召見親擢為翰林國史院編修伯衡以贖疾辭不受尋乞省覲歸洪武十年宋濂以學士承旨請老既入謝上問曰今在外交學復有如卿者乎其舉以自代濂曰伯衡臣鄉人也博學飭行為文詞蔚瞻有法要不可以微疾廢上許而亟徵之甫就館舍自宰執以下咸躬往候詢及輒以疾對明日入見固辭乃賜表裏寶鈔遣歸二十一年會試復徵聘伯衡為考試官事竣復辭歸伯衡為人恬靜寡欲容貌不踰中人而學問可以兼天下

蕭執陪祀應制

又蕭執字子所鄉薦

上第為國子學錄蓄學日富尤長於詩洪武五年夏至上將有事於北郊前期駕詣齋宮召宋濂等率文學能賦之士從焉於是執偕禮部尚書陶凱等十二人趨入齋殿以見上顧問曰今茲祀事是將天宇澄霽克厭朕

心爾等以文職陪祀宜即時物所有賦詠以來因命賦
殿下柳檜并荷露退而詩成以次呈獻上親覽之品第
有差既而復命賦詩者往殿後觀梔子花人給紙一俾
各賦詩詩成叙進如初執最在後上閱其詩喜動顏色
命起居注劉季道出諸詩今在侍者徧觀之執班列最
遠則又召使前焉為上所寵暱如此 以上學正學錄

博士一

太學博士
律學博士

廣文館博士
書學博士

四門博士
算學博士附

原杜氏通典曰國子博士班固云按六國時往往有博

士掌通古今

又曰博士秦官漢因之

漢博士多至數十人冠兩梁

武帝建元五年初置五經博士宣帝成帝之代五經家
法稍增置博士一人博士選有三科高第為尚書次為

刺史其不通政事以久次補諸侯太傅

元鼎中徐偃為博士使行風俗

偃矯制使膠東魯國鼓鑄鹽鐵還奏事張湯劾偃以矯制法至死偃以春秋之義大夫出疆有可以安社稷利

萬人專之可也湯不能詘

後漢博士凡十四人

易施孟梁丘京氏尚書歐陽大小夏侯詩

齊魯韓毛禮大小戴春秋嚴顏各一博士

掌以五經教子弟國有疑事掌承

問對舊時從議郎為博士其通叡異藝入平尚書出部

刺史諸侯守相久次轉諫議大夫中興高第為侍中小

郡若都尉博士限年五十

其督郵板狀曰生事愛敬喪沒如禮理易尚書孝經論語

兼崇載籍窮微闢與師事某官經明受謝見授門徒尚五十人以上正席謝坐三郡三人隱居樂道不求聞達

身無金瘡痼疾三十六屬不與妖惡交通王侯賞賜行
應四科經任博士下言某官某甲保舉順帝諱保故稱
守安帝以博士多非其人詔命三公將軍中二千石舉

博士各一人務得經明行高卓爾茂異是時羣僚承風

凡所旌貢綽有餘裕後旋復故遂用陵遲初平帝元始

四年改博士為博士師後漢無而存之並擇儒者

桓榮
魯恭

戴憑等並
為博士

魏及西晉朝博士置十九人武帝咸寧四年

初立國子學置國子博士一人皆取履行精淳通明典

義若散騎常侍中書侍郎太子中庶子以上乃得召試

諸生有法度者及白衣試在高第拜郎中

元帝時荀崧上疏曰昔咸

寧太康永嘉之中侍中常侍黃門通洽古今行為世表者領國子博士

宋齊諸博士皆卑

朝服進賢兩梁冠佩水蒼玉梁國學有博士二人天監

四年置五經博士各一人

魏晉宋齊並不置五經博士至此始置焉

舊國子

學生限以貴賤武帝欲招來後進五館生皆引寒門雋

才不限人數陳因之後魏北齊並有之

魏崔逸為國子博士每公事逸

常被詔獨進博士特命自逸始也

隋仁壽元年省國子博士大業三年

復置一人唐增置二人龍朔二年改為司成宣業咸亨

初復舊諸州府亦有經學博士一人 漢舊儀曰孝文

皇帝時博士七十餘人朝服玄端章甫冠 又曰武帝

初置博士取學通行脩博識多藝曉古文爾雅能屬文

章為高第朝賀位次中都官吏稱先生不得言君其弟

子稱門人 應劭漢官儀曰博士秦官也博者通於古

今士者辨於然否孝武建元五年初置五經博士太常

差次有聰明威重者一人為祭酒總領綱紀 增文獻

通考曰宋國子監無博士有直講八人熙寧改為太學

博士元豐定制亦無國子博士大觀元年乃置國子博士四員國子正錄二員與太學官分掌教道中興後置國子博士二員續文獻通考曰金國子博士二員分掌教授生員考藝業又曰元國子博士二員掌教授生徒考校儒人著述教官所業文字又曰明國子監博士五人坐博士廳分經訓教原太學博士杜氏通典曰晉江左增置國子博士十六人謂之太學博士品服同國子博士梁置太學博士八人陳因之後魏亦然

北齊國子寺有太學博士十人後周置太學博士下大
夫六人隋初置太學博士五人仁壽元年罷國子惟立
太學置博士五人大業三年減置二人唐因之助教後
魏置北齊亦有之置二十人後周曰太學助教上士隋
又曰太學助教五人大業三年減三人唐因之 增文
獻通考曰宋太學博士元豐改直講為之紹聖元年令
太學博士正錄令國子監長貳薦舉召試而後除紹興
十二年置太學博士三員 原杜氏通典曰廣文館博

士一人助教一人並以文士為之唐天寶九載置四
門博士後魏書劉芳表云太和二十年立四門博士於
四門置學按禮記曰天子設四學鄭玄注云四郊之虞
庠也今以其遼遠故置於四門請移與太學同處從之
北齊二十人隋五人唐三人助教北齊國子寺有二十
人隋初則五人唐因之直講四人唐初置無員數長安
四年始定為四員大成二十人唐置取貢舉及第人簡
聰明者試書日誦得一千言并日試策所習業等十條

通七然後補充仍散官祿俸賜會同直官例給武后長安中省而置直講定為四員 又曰律學博士晉置屬

廷尉衛凱奏請律學博士轉相教授東晉以下因之梁曰胄子律博士屬廷尉陳亦有律博士後魏北齊並有之隋大理寺官屬有律博士八人唐因之而置一人移屬國學置助教一人從九品上 又曰書學博士唐

置三人又置典學二人

貞觀六年正月命整治御府古今工書鍾王等真蹟得千五百

一十卷太宗嘗謂侍中魏徵曰虞世南死後無人可以論書徵曰褚遂良下筆通勁甚得王逸少體太宗即曰

召令侍讀常以金帛購求王羲之書蹟天下爭賈古書
詣闕以獻當時莫能辨其真偽遂良備論所出一無所
誤武后神功元年謂鳳閣侍郎王方慶曰卿家多書合
有右軍遺蹟對曰臣十代再從伯祖羲之書先有四十
餘紙往貞觀十二年太宗購求先並已進訖臣十一代
祖導十代祖洽九代祖珣八代祖曇首七代祖僧綽六
代祖仲寶五代祖騫高祖規曾祖褒并九代三從伯祖
晉中書令獻之以下二十八人書共十卷今進上后御
武成殿示美羣臣仍令中書舍人崔融為
寶章集以叙其事復賜方慶當時以為榮

又曰算學

博士二人典學二人

博士二

原典儀曰公儀休者魯博士也為魯相無所變更百官

自正使食祿者不得與下爭利 漢書曰賈誼洛陽人
年十八以能誦詩屬書稱於郡中文帝召以為博士是
時年二十餘最為少每詔令議下諸老先生未能言誼
盡能為之對人人各如其意所出 魯國先賢傳曰漢

文帝時聞申公為詩最精以為博士申公為詩傳號曰
魯詩 漢書曰公孫弘對策時百餘人太常奏弘第居
下天子擢弘對為第一召入見容貌甚麗拜為博士待
詔金馬門 殷氏世傳曰殷亮字子華建武中徵拜博

士遷講學大夫諸儒講論勝者賜席亮重席至八九帝

嘉之曰學不當如是耶 李邵別傳曰邵上書太后數

陳忠言其辭不能盡施用輒有策詔褒贊焉博士著兩

梁冠朝會隨將大夫例時賤經學博士乃在市長下公

奏以為非所以敬儒德明國體也上善公言正月大朝

引博士公府長史前 東觀漢記曰桓榮授皇太子經

每朝令榮於公卿前說經上曰得卿幾晚因除博士

又曰薛漢字子公才高名遠無通書傳無不招覽道術

尤精教授常數百子弟自遠方至者著為錄 范曄後
漢書曰董鈞字文伯永平初為博士時草創五郊祭祀
及宗廟禮樂威儀章服輒令鈞參議多見從用為當世
通儒 增後周書曰熊安生字植之初仕北齊為國子
博士周武帝入鄴安生遂令埽門家人怪而問之安生
曰周帝重道尊儒必將見我矣俄而帝幸其第詔不聽
拜親執其手引與同坐謂曰朕未能去兵以此為愧安
生曰黃帝尚有阪泉之戰況陛下恭行天罰乎帝又曰

齊氏賦役繁興竭人財力朕救焚拯溺思革其弊欲以
府庫及三臺雜物散之百姓何如安生曰昔武王克商
散財發粟陛下此詔異代同美帝又曰朕何如武王安
生曰武王伐紂懸首白旗陛下平齊兵不血刃愚謂聖
略為優帝大悅賞賜優厚令隨駕入朝并敕所在供給
至京 隋書曰馬光隋開皇初高祖徵山東文學之士
光與張仲讓孔龍竇士榮張買奴劉祖仁等俱至並授
太學博士時人號為六儒 唐書曰徐曠字文遠博通

五經時者儒沈重講太學授業常千人文遠從之質問
不數日辭去或問其故答曰先生所說紙上語耳若奧
境彼有所未見者尚何觀重知其語召與反覆研辨嗟
歎其能實威楊玄感李密王世充皆從受學隋開皇中
累遷太學博士後歸高祖仍為國子博士高祖幸國學
親釋奠文遠發春秋題講難風生隨方占對莫能屈帝
異之又曰陸元朗字德明補太學博士高祖已釋奠
召博士徐文遠浮屠慧乘道士劉進喜各講經德明隨

方立義偏析其要帝大喜曰三人者誠辨然德明一舉
輒蔽可謂賢矣賜帛五十匹遷國子博士 又曰鄭虔
以私撰國史坐謫明皇愛其才欲置左右以不事事更
為置廣文館以虔為博士虔聞命不知廣文曹司何在
訴宰相宰相曰上增國學置廣文館以居賢者今後世
言廣文博士自君始不亦美乎虔乃就職久之雨壞廡
舍有司不復脩完寓治國子館自是遂廢 又曰韓愈
再為四門博士才高數詘官又下遷乃作進學解以自

喻 又曰歸崇敬擢明經調國子直講舉博通墳典科

對第一遷四門博士 宋史曰宋處士王昭素博通九

經著易論三十三卷太祖徵為國子博士令講乾卦九

五飛龍在天斂容曰此正當陛下今日之事因示諷諫

太祖大悅又問治世養身之術昭素曰治世莫若愛民

養身莫若寡欲太祖愛其言書於屏几 又曰孔維太

平興國中就拜國子周易博士代還遷禮記博士十七

年使高麗王治問禮於維維對以君父臣子之道升降

等威之序治悅稱之曰今日復見中國之夫子也 又

曰李覺字咸熙太平興國中舉九經起家遷禮記博士
賜緋魚雍熙三年與右補闕李若拙同使交州黎桓謂
曰此土山川之險中朝人乍歷之豈不懼乎覺曰國家
萬里列郡四百地里平易亦有險固此一方向足云哉
桓默然色沮使還遷國子博士 又曰孫奭字宗古為
國子監直講太宗召奭講書至事不師古以克永世匪
說攸聞帝曰此至言也商宗乃得賢相如此邪因咨嗟

久之賜五品服 又曰太宗時判國子監李至言本
監先校定諸經音疏其間文字訛謬尚多盖前所遣官
多專經之士通春秋者未習禮記習周易者不通尚書
故未得周詳伏見國子博士杜鎬直講崔頤正孫奭皆
苦心強學博貫九經問義質疑有所依據望令重加刊
正從之 又曰胡瑗字翌之授光祿寺丞國子監直講
先是瑗教授湖州教人有法科條纖悉備具慶厯中興
太學下湖州取其法著為令既居太學其徒益衆太學

至不能容取旁舍處之禮部所得士瑗弟子十常居四五隨材高下喜自修飾衣服容止往往相類雖不識者知其為瑗弟子也 又曰孫復字明復范仲淹富弼薦其經術宜在朝廷除祕書省校書郎國子監直講後貶通判未行翰林學士趙鼎等十餘人言復經為人師不宜使佐州縣仍留直講 元史曰尚野字文蔚大德間為國子博士誨人先經學而後文藝每謂諸生曰學未
有得徒事華藻若持錢買水所取有限能自鑿井及泉

而汲之不可勝用矣 明獻徵錄曰趙俶字本初洪武

六年除國子博士既教胄子隨扣輒應莫不樂得經師
上一日御奉天殿俶偕諸儒侍側召至前諭之曰經學
必宗孔子毋以儀秦縱橫語示諸生也俶頓首謝歸告
誠士子屏去戰國策諸書勿讀明年詔擇諸生之聰悟
能文者二十五人命俶領而顓教之且令修詞以漢司
馬遷班固唐韓愈宋歐陽修蘇軾為法尋於諸生中擢
李擴黃義等入文華武英二堂說書多至大用俶自專

師席旦夕誨迪不倦士多成業

博士三

增給札 被酒

宋史曰徽宗時陳暘為太學博士禮部侍郎趙挺之言暘所著樂書二十卷貫

穿明備乞援其兄祥道進禮書故事給札又曰郭忠恕周廣順中為宗正丞兼國子書學博士改周易博士建隆初被酒與監察御史符昭文競於朝堂御史彈奏忠恕叱臺吏奪其奏毀之坐貶

原稽同

異 辨然否

漢官解詁云博士稽合同異講語五始下詳漢官儀

延問得失

用質疑滯

漢書云翼奉字少君治齊詩與蕭望之匡衡同師元帝初即位諸儒薦之徵待詔官

者署數言事晏見天子敬焉後遷博士上延問得失晉中興書陳郡謝錄云謝沉字行思時朝議七廟毀於

是徵太學博士用質疑滯

儒者高之

學人遠至

續漢書云桓榮為博士榮之官

車駕親幸儒者高之

謝承後漢書云路仲翁好學家居受業者自遠方而至上聞其名徵為博士

長

孺通尚書

仲舒治春秋

漢書云韋賢字長孺為人質樸少欲篤志於學兼通禮尚

書以詩教授號稱鄒魯大儒徵為博士又云董仲舒以治春秋孝景時為博士下帷講誦弟子以久次相授或不見其面

災異問子思

大議訪范叔

又云平當字子思以明經為博

士每有災異輒傳經術言得失也

東觀

高堂議饗

漢記云范叔遷博士每有大議輒見訪問

會叔孫起朝儀

魏志云高堂隆字叔平為博士文帝初踐阼羣臣或以為宜饗會隆曰唐

虞有通密之哀高宗有不言之思是以至德雍熙光於四海以為不宜為會帝收納之

史記叔孫通為博士

號稷嗣君徵魯

諸生共起朝儀

子叔善蒼雅 孝友通字指

魏略云邯鄲淳

字子叔博學有文章又善蒼雅蟲篆許氏字指初平時

從三輔客荊州荊州內附太祖素聞其名召與相見甚

敬異之以淳為博士又云蕪林字孝友博學多通古

今字指凡諸書篆文間危疑林皆釋之黃初中徵拜為

博士 孔光奉使稱旨 江統學義著名

漢書孔光傳云成帝即位舉光

為博士數使錄冤獄行風俗賑贖流民奉使稱旨由是

知名以高第為尚書王隱晉書云江統字應元以學

義著名為

國子博士

朱雲登堂論難 子華重席講學

漢書朱雲傳云

雲字游是時少府五鹿充宗貴幸為梁丘易自宣帝時

善梁丘氏說元帝好之令充宗與諸易家論充宗乘貴

辨口諸儒莫能與抗有薦雲者召入攝齊登堂抗首而

請音動左右既論難連拄五鹿君故諸儒為之語曰五

鹿嶽嶽朱雲折其角由是
為博士 下詳殷氏世傳

博士四

原射策甲科

漢書云匡衡射策甲科為博士

四海淵源

漢成帝紀陽朔二年詔曰

古之立太學將以成先王之業流化於天下也儒林之官四海淵源宣明古今溫故知新通達國體故謂之博士

瘦羊博士

東觀漢記云甄宇拜博士每臘詔賜博士人一羊羊有大小肥瘦時議欲殺羊

分肉宇因取瘦者自是不復爭後召會詔問瘦羊博士所在京師因以為號

上言制樂

續漢

書云魯充為博士受詔議

道之淵藪

魏志云高柔字文惠明帝時博

立七部三雍大射養老

士執經柔上疏曰博士者道之淵藪六藝所宗宜隨學行優劣待以不次之位

端委佩玉

晉中

興書曰博士之職非徒博習舊說訓教學

闡弘胄子

徒而已端委佩玉朝之大典必詢度之

晉起居注咸寧二年詔曰甄城公曹志

叅訓國子晉中

為篤行道履先覺宜在儒林闡弘胄子

興書荀崧上疏云國子博士一則應

禮義所寄晉中興書

對殿堂奉酬顧問二則以叅訓國子

郭璞云泰博士典

增長於樂府

唐書曰張籍第進士韓愈薦為博士為詩

教職禮儀所寄也

長於

稱九經庫

又曰谷那律貞觀中遷國子博士海識羣書褚遂良嘗稱之為九經庫

樂府

被詔獨進

後魏崔景雋好古博涉以經明行脩為高祖所知賜名為逸遷國子博士每有公事

逸當被詔獨進博

顧見講坐

宋史曰端拱元年初令學官講說太宗幸國子

士特命自逸始

監謁文宣王畢升輦將出西門顧見講坐左右言博士

李覺方聚徒講書上即召覺令對御講覺曰陛下六飛

在御臣何敢輒升高坐上因降輦令有司張帝幕設別座詔覺講周易泰卦從臣皆列坐覺因述天地感通君臣相應之旨上甚悅特賜帛百匹

說經苑中

又曰真宗嘗訪達經義者李至以直講崔頤正

對帝曰朕無事樂聞講誦翌日召頤正於苑中說尚書大禹謨賜以牙緋自是日令赴御書院待對說尚書至十卷頤正年老步趨艱難表求致仕

書畫博士

又曰米芾召為書畫學博士詔賜應對便殿

砥礪詞章

明獻徵錄曰徐禎卿字昌國始舉進士為大理評事不能其職已而降為五經博士

與李夢陽何景明數子友相與砥礪詞章既殫力精思而傑然有立

當代稱博物

隋書曰王

類字景文二十尚不知書為其兄顯所責怒乃感激讀書數日書無不可讀者勤學累載遂徧通五經周武帝引為露門博士每有議決多類所為而性識甄明精力不倦好讀諸子徧記異書當代稱為博物開皇中授國

子博

弟子如朋友

元史曰黃潛為國子博士視弟子如朋友未嘗以師道自尊輕納人

拜而來學

孔氏世為博士

闕里志曰孔子之後孔慎生鮒為陳涉博士鮒弟子

者滋益恭

襄為孝惠博士襄生忠忠生武及安國安國生延年皆

以治尚書為武帝博士延年生霸亦治尚書昭帝末年

為博士霸生光經學尤明

原張禹經學精習

漢書張禹傳云

成帝初即位舉光為博士

太子太傅蕭望之奏禹

魯平無通五經

東觀漢記云魯平字叔陵

經學精習舉為博士

專心於學朝夕

張元無通數家

又云張元字君夏為博士其學無通數家

孜孜無通五經

長卿以詩教授

漢書曰薛廣德字長卿以魯詩教授楚國龔勝舍師事焉蕭望之為御史

大夫除廣德為屬數與論議器之

薦廣德經行宜充博士論經石渠

陳元博士第一

華嶠

後漢書陳元字襄孫時議欲立左氏傳博士范升奏以
為左氏淺末不宜立元聞之乃詣闕上疏力爭更相辨
對凡十餘上帝卒立左氏學
太常選博士四人元為第一

曹褒陳制禮儀

後漢曹
褒拜博

士會肅宗制定禮樂乃上疏曰昔者聖人受命而王莫
不制禮作樂以著功德功成作樂化定制禮今皇天降
祉嘉瑞並臻制作之符甚於言語宜定文制著
成漢禮事下太常上不可許復上疏陳制禮儀

增戴

憑解經不窮

戴憑習京氏易年十六郎舉明經徵試博
士拜為郎憑曰博士說經皆不如臣而生

居上是以不得就席帝召郎上殿令與諸儒難說多所
解釋帝善之拜為侍中後正旦賀百僚畢集帝令羣臣
能說經者更相詰難義有不通輒奪其席以益通者
憑遂重坐五十餘席京師語曰解經不窮戴侍中

原樂詳五業並授

魏略曰樂詳字文裁少好學黃初中
徵拜博士於時太學初立有博士十

餘人學多偏狹又不熟悉略不親教備員而已惟詳五業並授或遇難解質而不解詳無愠色以杖畫地牽譬引類至忘寢食

盧浮脩行明經

晉起居注云武帝太熙元年詔曰盧浮脩行明經以為國

子博

增賈至請廣學員

唐書曰肅宗時賈至議今鄉舉取人未盡請廣學校增國

士

子博士員十道大州得置太學館詔博士領之召置生徒使在桑梓者鄉里舉焉在流寓者庠序推焉議者多

附其

老師宿儒恥出其下

本傳孔穎達大業初舉明經高第授河內郡博士煬

議

帝召天下儒官集東都詔國子祕書學士與論議穎達為冠又年最少老師宿儒恥出其下陰遣客刺之匿楊元感家得免

博士五

增詩唐杜甫贈鄭虔博士詩曰諸公衮衮登臺省廣文
先生官獨冷甲第紛紛厭梁肉廣文先生飯不足先生
有道出義皇先生有才過屈宋德尊一代常坎軻名垂
萬古知何用杜陵野客人更嗤被褐短窄鬢如絲日糴
太倉五升米時赴鄭老同襟期得錢即相覓沽酒不復
疑忘形到爾汝痛飲真吾師清夜沉沉動春酌燈前細
雨檐花落但覺高歌有鬼神焉知餓死填溝壑相如逸
才親滌器子雲識字終投閣先生早賦歸去來石田節

屋荒蒼苔儒術於我何有哉孔丘盜跖俱塵埃不須聞
此意慘愴生前相遇且銜盃 宋王安石再至學省作
詩曰平生擾擾復膠膠學省重來歲又交騎馬醉遭官
長罵讀書慚被學生嘲何為眷戀米五斗便可經營把
一茆好買江干千個竹待看煙雨長春梢 明祭酒陳
敬宗贈典籍趙魯詩曰充棟羣書萬玉林縱觀窺見聖
人心每隨松影移瑤席時對梅花奏練琴但學古人敦
素履不同時俗論浮沉公餘最是怡情處青鳥時時送

好音

增敕明太祖敕國子監博士錢宰致仕敕曰朕昔勘定
四方即開學校延師儒俾勛賢之子弟凡民之俊秀莫
不從學教之以經史六藝明體適用布列中外以共保
太平於無窮國子學助教錢宰學問老成訓導有方在
學數年綽有成效朕方嘉諸生有所矜式而年滿七十
懇辭還鄉特授文林郎國子博士致仕爾尚師表一鄉
訓誘後進以裨治政庶幾不愧卿大夫之教則朕猶有

望焉

原箴漢揚雄博士箴曰洋洋三代典禮是脩畫為辟雍
國有學校侯有泮宮各有攸教德用不陵昔在文王經
營其軌勗於德音而思皇多士多士作楨惟周以寧國
人興讓虞芮質成公劉挹行潦而濁亂斯清官操其業
士執其經昔聖人之綏俗莫美於斯化故孔子觀夫人
之學而知為王之易大舜南面無為而衽席平還師階
級之間三苗以懷秦作無道斬決天紀漫彼王迹而坑

術士

原表梁丘遲為王博士讓表曰臣聞撫臆可以言心量
能則知所止是故矯親魯門簡業事亡雜吹齊雅分聲
遽逝臣才行過汙文質無庶疎達謝於谷杜浹洽乖夫
劉楊非除部養之勤豈通掌故之業

增記唐柳宗元四門助教廳壁記曰周人置虞庠於四
郊以養國老教胄子祭統曰天子設四學蓋其制也易
傳太初篇曰天子旦入東學晝入南學夕入西學暮入

北學蔡邕引之以定明堂之位焉大戴禮保傳篇曰帝
入東學以貴仁入南學以貴德入西學以貴信入北學
以尊爵賈生述之以明太子之教焉故曰為大教之官
而四學具焉叅明堂之政原大教之極其建置之道弘
也後魏太和中立學於四門置助教二十人隋氏始隸
於國子而降置五人國朝始合於太學又省至三人員
位彌簡其官尤難非儒之通者不列也四門學之制掌
國之上士中士下士凡三等侯伯子男凡四等其子孫

之為胄子者及士庶人之子為俊士者使執其業而居其次就師儒之官而考正焉助教之職佐博士以掌鼓篋榎楚之政令分其人而教育之其有通經力學者必於歲之杪升於禮部廳簡試焉

學生

原順帝二百人

胡伯始漢官儀云順帝時學生二百人

丙科補文學

又云

弟子丙科

補文學

郭憲遊志太學

汝南先賢傳云郭憲字子橫體忠烈之節遊志太學

貫通祕典

孔嵩遊集帝學

謝承後漢書云孔嵩字仲山與范式俱在太學

光武嘉之

下牀以拜仇香

後漢書仇香傳云香在太學符融與郭泰齋刺就房謁之遂請留宿泰嗟歎下

牀為

仇香不與賓言

又云仇香在太學符融與香比字有高名賓客如雲香終日不

與賓客言融奇之乃邀與之語香高揖

漢末至五千

正色曰天子設太學豈但使人遊談

人擊虞決疑要注云漢末弟子五千

通二經補文學

又云弟子滿二

歲通二經者補文學掌故

通一經稱弟子

又云魏時募學者好誦太學為門人滿三年通

一經者稱弟子

上書以請嵇康

王隱晉書云晉文王上書請嵇康為博士

增踵

堂八千餘人

唐太宗時太學四門學小學三學生至三千二百四方秀艾挾策負素坐集京師文

治煇然勃興於是新羅高昌百濟吐蕃高麗等國並遣子弟入學鼓箏踵堂者凡八千餘人雖三代之盛所未

聞也

能通一經入貢

唐書云自七營飛騎皆給博士授經能通一經者聽入貢限

能通一經署吏

又云其三學諸生能通一經者署吏

諸生閉之空舍

又云

何蕃和州人，事父母孝，學太學，歲一歸父母，不許間二歲，乃歸，復不許。凡五歲，慨然以親老，不自安，揖諸生去，乃共閉蕃空舍中，衆共狀蕃義，白陽城請留之。

伏闕請留李綱

宋史曰：陳東字少陽，儆

負氣以貢，入太學。欽宗即位，率其徒伏闕上書，請誅蔡京、梁師成等六賊，及罷李綱。復率諸生伏宣德門上書。軍民從者數萬，傳旨慰諭者，旁午。衆莫肯去，喧呼震地。因亟命綱入，復領行營，遣撫諭乃稍引去。高宗即位，東復上書為汪潛

上書攻賈似道

又曰：葉李字太白，少

善等諧殺之。

賈似道復入相，益驕恣，自顯中外，無敢指議。李乃與同舍生康棟而下八十三人伏闕上書攻似道，似道大怒。

知書彙出於李嶠其黨誣以罪竄漳州似道死乃得自便

別為書薦其人

元史曰故事伴

讀書以次出補吏莫不爭先出時有一生親老且貧同舍生有名在前者因博士以告祭酒曰我齒頗少請讓之祭酒劉賡曰讓德之恭也從其讓別為書薦其人朝廷反先用之自是六館之士皆知讓之為美德也

積分可得文學之士

又曰國學舊法每以積分次第貢以出官執政用監丞張起巖議欲

廢之而以推擇德行為務許有壬為中書左司員外折之曰積分雖未盡善然可得博學能文之士若擇德行其名固佳恐皆厚貌深情專意外飾或慘不能識丁矣

御定淵鑑類函卷九十五